

4

# Artificiosa Methodus COMPARANDORVM Hortensium Fructuum, olerum, radicum, vuarum, vinorum, car- nium & iusculorum, quæ corpus clemēter purgent, & variis mor- bis, absque vlla noxa & nausea, blandè succurrant.

*Autore* ANT. MIZALDO  
*Monluciensi, Medico*



LVTETIÆ.  
Ex Officina Federici Morelli  
Typographi Regij.

1575.

CVM PRIVILEGIO.





NOBILI ET ERVDITO VIRO  
 EMONDO DE LAIGE, REGIS IN  
 supremo Senatu Parisiensi Consiliario,  
 & Cœnobiorum B. Mariæ de Fon-  
 tenayo, necnon S. Memmij, & de  
 Miserayo Abbati, pio iuxtà  
 ac benefico, A N T O N.  
 MIZALDVS Mon-  
 luciensis,  
 S. P. D.

**S**uperioribus annis, dum  
 sedulò mecum retracta-  
 rem, spectatissime Sena-  
 tor, idémque Abbas do-  
 ctissime, quàm turpi se-  
 culorum consensu exolescat prisca Hor-  
 torum disciplina, cœpi apud me cogitare,  
 num aliqua via illi, pro mea tenuitate,  
 auxiliares manus vtcunque possem por-  
 rigere. Cùm itaque in eam cogitatio-  
 A ij

## E P I S T O L A

*nem diu, multúmque incubuissem, tandem in animũ induxi meum, compendio aliquo cõcludi posse ac prehẽdi præcipua rerum omnium hortensium capita & secreta, maximè quæ vsui & publicæ utilitati commodant. Quando itaque Dij facientes adiuuare solent, vt scribit M. Varro: & menti bonæ semper occurrit Iupiter, vt est apud Homerum: κηπερικῶν, seu Hortensium historiam, pro exiguo, sic satis, Mercurioli mei genio, quatuor Opusculis methodicis ita contexere sategi, vt Primum, Hortorum curam, auxilia, ornatum, & secreta quamplurima ostenderet: Secundum, auxiliares & medicas eorundem utilitates percurreret: Tertium, varias Insitionum arteis proponeret: Quartum, quod nunc prodit, iucunda & benefica medicandorum hortensium olerum, radicum, fructuum, uuarum, vinorum, & carniũ quarundam artificia explicaret, quæ corpus blãdè pur-*

# NVNCVPATORIA.

dè purgent, & variis illius morbis clementer succurrāt, absque noxa & tædio.

Hæc Dei Opt. Max. præsidio, sine quo vanæ sunt hominum cogitationes, ubi tandem absoluissem, & conatus nostros hisce in rebus, ut aliis etiam plerisque omnibus, cum alias nationes, tum maximè Germaniam, bonarum literarum & sublimium ingeniorum parentem fecundam, probauissem & laudauissem intellexisset eruditus vir Federicus Morellus, Reginus, idemque noster, Typographus, semel atque iterum anno præterito ad me venit, exponens dictorum librorum nostrorum Exemplaria, quotquot penes se habuerat, oppidatim & regionatim, ad unum omnia, auidè à bibliopolis mercatoribus distracta fuisse, & eam ob rem summopere cupere, & enixè rogare, ut per me liberum ei esset, illa eadem denuo incudi literaria castigatiùs reddere, cum auxesi & accessioneretur earum, quibus

## EPISTOLA

*fusè & variè à me illustrata & locupletata esse nouerat : Non potui , quod meum est ingenium , nec pro officio debui , viro amico , & in commune bonum rem aquā postulanti , ultro non acquiescere . Cōmisi itaque , quod dicunt , vela ventis , orāmque soluentibus liberis nostris , aut , si mauis , libris , bene precatus , eorum publicationem eò libentiùs Typographo concessi , quòd sciam illos à multis , obuiis , ut aiūt , & porrectis expectari manibus : Adhac , quòd rectè intelligam Hortensium cultum & curam , principem partem esse philosophicæ agriculturæ . Nec temerè : prodigij etenim simile haberi debet , quòd accidat ut res corporibus nostris , vitæque utilitati , & omnium incolumitati maximè conueniēs , & quæ sine cōtrouersia ac dubitatione proxima & quasi consanguinea est Medicinæ , usque adeò negligatur , ut ancillulis , & media è plebe quibusuis , perfunctoriè , ac  
veluti*

veluti per transfennam, tractanda committatur: cùm olim Regum & principũ virorum, vt alibi ostẽdimus, summo illa fuerit studio & curæ non postremæ. Sine ludicris artibus, inquit Columella ( qui rem hortensem diligenter, si quis alius, tractauit ) atque etiam sine caufidicis, satis fœlices olim fuere, futuraeque sunt vrbes: at sine agricultoribus, & hortorũ colonis, vrbeis, ne longiũs sit eundum, incolentibus, vel non ita procũl degẽtibus, nec consistere mortaleis, nec urbanos & agrestes ali posse, certum est.

Hæc sunt, Senator amplissime, & Abbas prudentissime, quæ me inuitarunt, imò verò impulerunt, vt quatuor iam dicta Hortensium opuscula, castigatiora, auctiora, & vt conferenti cum prioribus liquebit, locupletiora, in lucem denuo exire libenter annuerim: & sub tui nominis clypeo, ceu sub Palladia Ægide, medica hæc Hortensium Arti-

## EPISTOLA

ficia peregrè proficisci, & per hominum manus volitare, haudquaquam molestè sustinuerim, tibi que candidissimè ac libentissimè deuouerim & obtulerim, tantisper dum meliora & paulò sublimiora tibi meditamur. Dignaberis itaque mei erga te animi *μνημόσυνον* istud qualecunque, eo vultu eaque manu accipere, qua nuper Hortorum secreta nostra, tibi ex animo nuncupata excipere dignatus es.

Verum enim uerò, morosus quispiam hîc forsitan insurget, mèque inflatis buccis, ad conuicia usque obiurgabit, quòd de tuis virtutibus, autoritate & eruditione, cùm in hac libri nuncupatione tum etiam alterius, ne verbum quidem faciam, præter aliorum morem & modum. Huic responsum velim, id à me consultò factum esse, quòd certò sciam te laudanda multò libentiùs facere, quàm facta fuisse audire: téque malle tacita laudum tuarum cogitatione, quàm publica illarum

rum



NVNCVPATORIA.

*rum prædicatione frui: quod prudentis  
esse, ecquis sanæ mentis denegabit? Sed  
hæc in præsentiarum satis, vel fortasse  
plura quàm oportuerit, præsertim apud  
occupatissimum Senatorem, quem Deus  
Reipubl. & nobis & amicis omnibus  
diu incolumem servare dignetur.*

*Lutetiæ, Calēd. Febr. anno  
restitutæ salutis humano  
generi, 1575.*





LECTORI CANDIDO  
ET AMICO.

**C**OGITO frequenter, amice Lector, quâ fiat ut hodie, si aliâs unquam, medica remedia, præsertim quæ composita vocant, in tantum venerint despectû, & tam præsentem nauseam, ut vel solo nomine audito medicamentum cuiusvis necdum visi, aut gustari, ita ex tempore fremant, vomituriant, & impallescant plerique, ut gelidæ videantur mortis imago. An quod in tam multiplicem & multiformem varietatem venerit medicina (quæ, Plinio autore, vna & sola imperantibus imperat) ut, vel levi morbo profligando, herbarum, radicum, seminum, florum, & aliorum, horrendi plerunque gustus & odoris, diuersique generis medicaminum, tota, ut sic dicam, plaustra cumulatim, & (si ita licet loqui) farciminatim ac variegatim præscribat, & variè à pharmacopœis miscenda, tribulanda, & ad nauseam usque sumenda exhibeat? cum olim illa ipsa, vel amplissimo Senecæ testimonio, paucarum herbarum fuerit scientia, quæ in tam variam & tantam alicubi medicamentorum farraginem hodie est progressa, ut, vel ad eorum conspectum sicuti

sicuti diximus, vel mentionem, aut odorem, vomituriant fere omnes, imò verò derepēte vomant plerique, & nonnunquam per inferiora aluum largiter exonerent, ac si deiectorium pharmacum hausissent: prout ventriculi eorum vis expultrix sursum, vel deorsum irritata fuit. Hinc nimirum, scribit Anton. Guainerius Papiensis medicus exercitatusissimus, se vidisse Ducis Sabaudiaë medicum catapotia è pharmacopolio domū ferentem, ab illis, solo odore, tam strenuè purgatum, quàm si illamet catapotia deglutiuisset. Verū enimverò non minùs memorabile quàm admirabile habendum puto, quòd Antonius Musa inter medicos Italiaë celebris, eam in rem de se, necnon de matre, & sorore ad hunc scribit modum. Mihi vsu venit vt dum Colocynthidem tractarem, & præsentibus matre ac sorore illam manibus aperire, ego solo illius attactu, illaë verò odore, adeò soluti fuimus, vt nullus nostrū fuerit, cui venter decies magna perturbatione commotus non fuerit. Ex quo mirandum non est si odore pharmacorū quæ huiuscemodi simplicia medicamina violenta, turbulenta, & penè dixerim, venenata admittunt, tactu, nedum odore & gustatu, imò verò cogitatione & apprehensione nonnullos offendant, & in illis deiectorij medicamenti locū obtineant. In quam rem dicam quòd mihi aliquando contigit. Imperaueram cuidam sacrisifico catapotia, à quibus summè abhorrebat, nihilominus morbi quo tum prehendebatur status illa ferio exigebat: Cùm autem ille medicā nostram schedulam, tota die manu meditabundus gestas-

set, nihil magis cogitans, quàm illa catapotiorum  
 sarcina se posse eximere & liberare, sub vespere  
 dum pharmacopœi, urgente morbo, adire  
 satageret, ecce, ventris tantâ saburrâ est leua-  
 tus, ut postridie letabundus medicam illam scri-  
 pticulam ad me retulerit, dictitans gestationem  
 illius, septenæ purgationis & deiectionis loco ei  
 fuisse præcedente nocte, & ob id bellè valere, &  
 immensas gratias mihi agere. Audis, Lector candi-  
 de, audis, quid cogitatio & apprehensio pharma-  
 corum, nedum sapor & odor, in multorum cor-  
 pora exerceat. Narrabo aliud quod hisce oculis  
 vidi, nimirum hominem eruditum qui quoties  
 iter faciebat proxime pharmacopolium in quo  
 purgans aliquod pharmacum miscebatur, percep-  
 to eius odore, vix domum reuersus, usque adeò  
 soluta erat aluo, ut id ipsum pharmacum sumpsis-  
 se videretur. Notus est mihi itidem alter non  
 obscuro loco natus, qui in pharmacopolio quo-  
 piam vel tantillum moratus, adeò aluum sibi sen-  
 tiebat moueri, ut foras illâ depositurus è vestigio  
 exire cogeretur, excitata facultate expultrice à  
 viroso & tetro pharmaci cuiuspiam odore, vel  
 illius saltem apprehensione, à quo totâ abhorre-  
 bat naturâ, id cum plerisque commune habens.  
 Sed in his versatum satis: è quibus facilè colligis,  
 Lector optime, pharmacorum usum permultis  
 adeò exosum, & præter illorum naturam esse, ut  
 mori centies malint, quàm ab eis semel, ut lo-  
 quuntur, excarnificari, ob causas prius enarratas.  
 Quod cum animaduernerem, priscorum vestigia  
 insequendo, & delicatioribus palatis, exactioris-  
 que

# LECTORI.

que sensus stomachis inferuiendo, & visui, olfactui ac gustatui omniū obtemperando, præsens hocce Opusculum, ex probatorum placitis concinnatum, auctum & castigatum, multisque locis locupletatum, in commune bonum foras prodire non recusavi. Quod fœlix faustumque sit precor, & opto.

S V M M A

SVMMMA ET PRÆCIPVA CAPI-  
*ta eorum quæ continentur in Libello de medicandis*  
*hortensium materiis, vt corpus blandè & absque*  
*noxa purgent.*

**P**RAEFATIVNCULA, in qua de officio docti & pru-  
dentis medici, cum scopo & instituto Autoris. folio 1.

De eligendis & apparandis materiis, ad hortensium  
medicationes idoneis, cum earundem electione, & cata-  
logo. folio 2. & seq.

Modus primus medicandi arbores, vt illarum fructus  
clementer corpus purgent. Vbi de arborum ad id accom-  
modarum electione. fol. 3. & seq.

Modi sex, eam in re admodum pulchri & perfaciles. fol. 5.

Artificia alia ad id, expedita & probata. fol. 6. & seq.

Aliae arborum medicationes ad effectus alios quam pur-  
gandi corpus, summa animaduersione dignæ. fol. 8.

Fructibus arborum odores & sapes quosuis, nec non  
etiam colores posse eleganter ac facile comparari. fol. 9.

Arbores duæ valde admirabiles, & fere prodigiosæ,  
folio eodem, & seq.

De collectione, repositione, custodia, & vsu fructuum  
medicamentosorum, & aliis in Dendriatria obseruandis.  
folio 10. & seq.

Quomodo fructus tam æstiu, quam autumnales, iam  
decerpti & asseruati, medicamentosi & purgantes eua-  
dent. fol. 11. & seq.

Quomodo aliae hortenses materiae ab arboribus, deie-  
ctorias facultates induent, & sapes ac odores varios ad-  
mittent. fol. 13. & seq.

Vites modis variis medicari, vt earum uis, & uina ex iis  
expressa, corpus absque molestia purgent. fol. 14. & seq.

Aliae vitium, vuarum & vinorum medicationes pul-  
chrae & ingeniosæ, ad somnum, contra venena, & alia,  
folio 16. & sequenti.

Quomodo carnes alitum varij generis, & quadrupedum  
minorum medicamentosæ fiant, vt corpus ab excremen-  
tis blandè purgare queant. fol. 17. & 18.

CAPIT-

**CAPITA COMPONENDORVM VINO-**  
*rum quæ corpus variè purgent, ac diuersis morbis*  
*clementer succurrant.*

**P**RAEFATIVNCULA, vbi de variis antiquorum vi-  
 nis factitiis ad diuersos effectus. folio 19.

Vinorum medicamentosorum artificiosæ aliquot con-  
 cinnationes, tam per vindemiam, quàm alio quouis tem-  
 pore. fol. 19. & seq.

Aliæ eorundem vinorum compositiones, magis trita,  
 & à plurimis expertæ. fol. 21. & seq.

Quædam obseruanda, cùm in præcedētibus, tum etiam  
 sequentibus, pro exacta Oeniatria. fol. 22. & seq.

**VINORVM ME-**  
 dicatorum particulares  
 aliquot formulæ & præ-  
 fidia, ex Græcis Floren-  
 tini Georgicis.

Vinū ad Ischiadicos. eod.  
 Vinum ad tormina, & si-  
 tineæ & lumbrici molesti  
 erunt. fol. 25.

Vinum ad dyspepsiam, &  
 stranguriam. fol. eodem.

Vinum factitium ex Ro-  
 sis, Anetho, & Aniso. fol. 23.

**EX DIOSCORIDE.**

Vinum ex Asaro, Pule-  
 gio & Fœniculo. fol. eodē.

Vinum Rhodites seu è  
 Rosis. fol. 25.

Vinū ex baccis Lauri, Pe-  
 trofelino & Conyza. fol. 24.

Vinum Absinthites. fo-  
 lio eodem.

Vinum ex Ruta, Fœno  
 græco, Hyssopo, & Apio.  
 folio eodem.

Vinū Hyssopites. eodē.

Vinū ex Absinthio, nec-  
 non Thymo. fol. eod.

Vinum è Betonica. eod.

Vinum è Thymo. fol. 26

**EX M. CATONE.**

Vinum factitiū ad aluum  
 mouendam. fol. 24.

Vinum ex Asaro & ex  
 Dauco. fol. eodem.

Vinū concinnare, si lotiū  
 difficilius transibit. eodem.

Vinum Saluiatū, & Mar-  
 rubiatum. eodem.

Vinum ex Apio, Anetho,  
 Fœniculo, & Petrofelino.  
 folio eodem.

Vinum Granatorū. eod.

**EX ARNALDO**  
Villanouano, & aliis.

Vinum mirabile, pro  
melancholicis. fol. 27.

Vinum Cardiacum, seu  
cordiale. fol. eodem.

Vinum Passulatum, vel  
vuarū Damascenarū. eod.

Vinum Cydonites, siue  
Cotoncorum. fol. 28.

Vinum Rosmarinatum.  
fol. 29. & seq.

Vinū obstructions aperi-  
ens & melancholicos  
emendans. fol. 30.

Vinū ad oculos. fol. eod.

Vinum Enulatū. fol. 31.

Vinum Saluiatū, Hyssopites,  
Fœniculatum, Eryngiatum,  
Anisatū. fol. eod.

Vinum Rhodites, siue è  
Rosis. fol. 32.

Vinum Halicacabi siue  
de Alkekengi. fol. eod.

Vinum Caryophyllatū.  
folio 33.

Vinū Gramineū. fol. eod.

Vinū Ebulatū, seu ex Ebu-  
lo, vel Chamæactæ. fol. 33.

Vinum, fœtum in graui-  
dis continens, & steriles  
ad conceptum preparans.  
folio eodem.

Vinum Guaiaci, & eius  
legitima compositio, atque  
exhibitio. fol. 34. & seq.

Vinum ad præcautionem  
generationis calculi. fol. 36.

Vinum ad maculas, for-  
des & defœdationes faciei.  
folio eodem.

Vinum contra ventosita-  
tes, raucitatē, tussim & asth-  
ma. fol. 36. & seq.

Vinum aqueum ad delu-  
dendos infirmos sitibun-  
dos. folio 37.

Vinum faciem purpurif-  
icans, & egregio colore il-  
lustrans. fol. eodem.

Aliud vinum faciem eru-  
gans & expoliens, nec non  
manus dealbans. fol. eod.

Vinum reparans visum,  
& illum cōseruans. fol. eod.

Compositio præstantissi-  
mi vini & diluti è Sena, se-  
cundum Ioan. Mesuem &  
Andr. Matthiolum. fol. 38.

**FINIS.**





ANTONII MIZALDI MONLV-  
CIENSIS, MEDICI, PVLCHRA ET  
ARTIFICIOSA METHODVS COM-  
parandorum fructuum, olerum, radicum, vua-  
rum, vinorum, carniū, & aliorum quæ cor-  
pus blandè, & clementer absque noxa vlla re-  
purgent.



ELEBRIS ille & eximius  
medicus ARNALDVS A  
VILLANOVA tradit in eo  
Opusculo quod de regulis  
generalibus curationis mor-  
borum edidit, prudẽtem &  
pium medicum satagere de-  
bere imprimis, vt medicina-

libus cibus, potius quàm puris medicamẽtis mor-  
bos expellat. Circumspecti itaque, ac sapientis  
medici ingenium ac studium eò maximè con-  
uerteretur, vt purgantium medicamentorum quæ  
vel sanis, vel ægris imperat & præscribit, sapor,  
odor, &, quoad eius fieri potest, color grati ac  
blandi reddantur: vt sumentiu oculi absque vllò  
horrore quod offertur aspiciat, nares sine despe-  
ctu olfaciant, lingua absq; nausea degustet, ac ven-  
tricus cum vniuersi corporis assensu, iucundè &

*Sapientis &  
circumspecti  
medici offi-  
cium.*

*Quen. ſto-  
machi pla-  
ceant, &  
diſpliceant.*

perlibenter amplectatur. Nec temerè, nam vt fœ-  
tida, ingrata & minùs placentia ſtomachum ſub-  
uertere ac contriſtare ſolent, ſic odorata, iucun-  
da, ac grata eundem exhilarare & roborare con-  
ſueuerunt. Odore enim iucundo fit, vt non mo-  
do iucundius ſit medicamentum, ſed etiam eo o-  
dore ſpiritus animalis vnà cum vitali iucundiſſi-  
mè reficiatur. Hinc nimirum graueolentia tam  
fani, quàm ægri omnes libenter fugimus. Debent  
itaque medicamenta purgantia iucunda eſſe, qua-  
tenus licet & fieri poteſt, vt à ventriculo placidè  
comprehenſa & amplexata in actum facilè dedu-  
cantur: & ne ex inſuauitate nauſeam, flatus &  
fluctuationes pariât. Res ea, ardua ſanè, ſi aliàs in  
votis fuit vnquã, hoc maximè tẽpore eſſe debet.

*Fastidientes  
& moroſi  
huius ætatis  
ſtomachi.*

In quo non tam ſaſtidientes ſunt ſtomachi, quàm  
delicatulæ hominũ palata, ac moroſi, intractabi-  
les & indignabũdi ægrotantes. Nã vel audito ſo-  
lius pharmaci, ceu carnificis cuiuſpiã, nomine, nec  
dũ viſo eo aut guſtato, vſque adeò fremunt, nau-  
ſeant, commouentur, deſudant, & expalleſcunt,  
vt nihil mors in illis cõmutatura videatur. Quod

*Authoris ſco-  
pus eſt inſti-  
tutum.*

dum ſollicitè animaduernerem, precium operæ  
facturum me putauì, ſi pro ingenij mei tenuitate,  
facilem & expeditam methodum proponerem,  
qua duce quiuiſ deinceps in ſuo hortulo, ne lon-  
giùs eundum ſit, olera, radices, fructus, vnaſ, &  
vt paucis dicam, ſolita alimenta, in pharmaca &  
medicamenta purgantia, ſalubriter ac iucundè  
poſſit conuertere. Quæ non minùs grata, quàm  
ſalutari impoſtura, beneficium nec præuiſum,  
nec expectatum ( ſaltem neſcientibus) ſummum

adſe-

adferent. Nam siue manducabuntur, siue ex decocto, vel aliter, haurientur, corpus adeò blandè, & absque vllò tædio, à superfluis & grauantibus excrementis vacuabunt, vt qui sumpsit, dicat, nihil sibi oblatum fuisse, nisi quod assuetum, familiare & quotidianum erat, applaudente visu, olfactu, gustatu, & ventriculi, corporisque vniuersi, assensu, vt diximus, & complexu sanè quàm grato. Constat tanti artificij lapsis hinc annorum duabus chiliadibus, plus minùs, auctores ac inuentores omnium primos fuisse Pœnorum & Græcorum solertes Geoponicos, ac medicos. A quibus, ceu per manus, tam nobile & salutare inuentum accepit, & diligenter excoluit M. Cato, Dioscorides approbavit, Columella non ignorauit, Plinius proposuit, Ioannes Mesuæ intellexit, Palladius non omisit, Arnaldus Villanouanus multùm locupletauit, & neotericorum medicorum, qui rerum experimèta profitentur, diligens obseruatio apprimè confirmauit, ac mirandum in modum adauxit. Beati medici, inquit summus ille philosophus & medicus à Villanoua, quibus Deus scientiam arcanorum naturæ impertiuit, & secretorum suorum conscios fecit. Honora tales, ait, quoniam illos elegit Altissimus, & naturæ quasi socios esse voluit. Sed, prò dolor (inquit) multi sunt ad medicinam vocati, pauci verò electi. His positis superest, vt rem, quod dicunt, acu tangamus, & vnicuique facili methodo ostendamus, quonam pacto deinceps in suo hortulo copiam salutarium ac suauiter purgantium me-

*Catalogus  
eorū qui de  
medicatione  
Hortensium  
scripserunt.*

*Sententia ve-  
rè aurea, si  
hodie pa  
animadu-  
sa.*

dicamentorum, sibi & amicis comparare facile poterit. Sic itaque à verbis ad rem transeo.

*De eligendis & apparandis medicis materiis  
instituto idoneis. CAP. I.*

*Electio me-  
dicamentorum  
huc in-  
stituto ido-  
neorum.*

OMNIVM primum, si fieri potest, ineunda est tibi amicitia fidi ac periti alicuius medici: & eo præfente, apud quempiam Pharmacopolum vel herbarium, rerum medicarum diuitem, feligenda (si aliter non liceat) fequentium medicamentorum simplicium, purgando corpori accommodatorum, fyluula: vt hortenfes materias variè purgantes experiaris. Sed medicamenta ea, recentia, &, quoad eius fieri poterit, fucofa, ac è multis felecta effe debent: non exlufta, marcida, cariofa, olida, vieta, & ob id viribus exhaufita, fcopoque tuo prorfus inutilia. Si talia comparari non poterunt, faltem his proxima eligentur, & vbi operandum erit expurgabuntur, eluentur, &, fi opuserit, negligenter contundentur, ac die vno, vel horis aliquot, ficuti oftendemus, in aqua, vel alio idoneo liquore, macerabuntur: vt ad ingenium redeant, & collabentes vireis recolligant, ne frufretur opus, qua dicemus methodo, aggrediundum. Verum enimuerò, priùs quàm illi manum admoueamus, iucundum erit ac fanè quàm vtile, noffe facultates medicamentorum, quibus hortenfes materiæ imbui debent, vt hinc medicatæ ac purgantes euadant, pro tibi propofito fcopo. Aufpicabimur itaque catalogum à medicamentis, quibus

bus M. Catonem, & ante illum Pœnorum, Græcorumque geoponicos ac medicos ea in re vfos esse legimus. Hinc gradum facturi ad recentiorum obseruationes, & eorum maximè quos arcanorum naturæ locupletes esse nouimus. Veratrum seu Elleborus, præsertim niger, quo maximè vsi fuerunt prisci, vtramque bilem ac pituitam purgat. Colocynthis pituitam & bilem cum humore mucoso à neruis. Scammonea (succus scæmonij plantæ) necnon diachridium, seu scammonia præparata. Bilem atram, necnon flauam, ex sanguine & partibus longinquis, perinde atque planta ipsa. Tithymali omnes, quorum genus agnoscit Esula, pituitam, aquas & atram bilem. Cucumer agrestis, vel asininus, cuius succum Elaterium vocant, pituitam & mucus à neruosis partibus. Turbith, pituitam. Lathyrus, aquas & pituitam: quomodo etiã Ricinus seu Palma Christi. Thymelæa, quæ Persis Mezereon dicitur, bilem, pituitam & aquas. Hæc à priscis inter arborum & vitium medicamentosas & purgantes materias, connumerata lego. Quæ si quis obiiciat recenseri inter violenta pharmaca, & ob id parum tuta esse: huic responsum volumus, illorum vim ac furias frænari & alterari succis contrariarum qualitarum, quibuscum miscentur, & vt ita loquar, concorporantur, ac transubstantiãtur. Ad do quòd illorum impetus frangitur, & si quæ insit virulentia, coërcetur via, modo, ac tempore transmutationis quam subeunt, vt causas alias omittere. Recentiores qui rerum secreta vigili studio rimantur & perquirunt, de obseruatione scæ-

*Catalogus  
medicamen-  
torum hor-  
tensium cũ  
facultatibus  
eorundem.*

*Responso ad  
quædam ob-  
iecta.*

pius repetita promittunt arbores, vites, radices & plantas, etiam medicamentoſas euadere, à ſimplicibus pharmacis purgantibus, quæ hodie nobis in familiari ſunt uſu, & ſumma carent violentia. Cuiuſmodi ſunt Polypodium, Epithymus, Cartamus, Sena, Hermodactyli, Agaricus, Rhabbarum, Tamar Indi, Myrobalani, & alia, vt paulò poſt dicemus. His iactis fundamentis, ſtructuram medicationum aggredior, & ſic *ſυνθετα-  
ργειαν* noſtram inſtituo.

*Quomodo ſelectarum arbuſcularum fructus ita medicamentofii euadant, vt corpus clementer & abſque moleſtia purgare poſſint.* CAP. II.

*Que arbo-  
res eligenda  
huc artiſi-  
cio.*

**C**V M volueris tibi comparare fructus purgante facultate, aut alia dote, vt ſcribemus, præditos, eliges de multis arbuſculam cuius tibi viſum fuerit generis, ſed ferentem fructus generoſos ac ſuaues, humilem & parum ſupra terram extantem, iuuenem, quæ bimatum, aut trimatum nō exceſſerit: in aëre libero & perflato educatam, læto ſolo natam, & ab hominum, pecorūque iniuria proriſus excluſam. Hanc per veris initia, dum omnis parturit arbor, vel paulò antè, vt feret anni tempeſtas & natura, nonnihil ſupra radicem, ima parte ſindes, ſed cortice clementer tractato, & nulla iniuria affecto. Deinde impactis fiſſuræ cuneolis offeis, vel ligneis, per longitudinē ad ſeſquipalmm, plus minùs, pro arboris corpore & modulo, illam aperies: ſtatimque quod

*Primus mo-  
dus medicā-  
daru arbo-  
ru n.*

quod adaperitum erit, emedullabis, si medullam quidem habuerit caudex. Quòd si fissuram non possit admittere, nonnihil vltra matricem, ex alto terebrabis, & apto instrumento, medullæ portiunculam, vel eius loco, matricis, aut cordis, vt vocant, quidpiam auferes, vel derades. Ioanni Mesuæ hic satis est arborem locis duobus vel tribus, vnus palmæ interuallo, tenuiter perforari, absque vlla medullæ spoliatione, vt mox dicemus. Quòd si nec terebrationem etiam sustinere possit, ineunda erit via alia, sicuti postea docebimus. Vbi fissuram, aut foramen diligenter expurgaueris, pharmaco ex superioribus aliquo, vt eleboro nigro tuso, vel scammonia, aut colocynthidis succo vel elaterio aut alio, iuxta scopum tuum electo, nonnihil tuso, &, si opus fuerit, macerato vtrunque ita inescabis, farcies, ac saturabis, vt prouerbij memineris, *Ne quid nimis*. Nam ibi quidquam nec pressum, nec plus æquo addensatum esse oportet, vt nutritioni arboris, & transpirationi suus detur locus, possitq; per medullarem syphunculum, aut matricis ductum, vis medicamenti vnà cum alimento sursum liberè ferri, & formando, fouendòque fœtui sensim subministrari. Posteaquam id ritè peregeris, tum demum latera plagæ, & fissuræ, ablatis cuneis, ita committes, & vtrinque adduces, vt nihil interhiet, aut diffiatum, vel rimulam admittat: circumposito etiamnum vulneribus Catoniano emplastro: quod argilla constat, vel creta, & arena cui bubulum fimum recens admistum sit, & ad lentorem vsque subactum. Sunt quibus abundè sa-

*Hæc summe  
notanda, reu  
vniuersalia.*

*Emplastrum  
vulneratis  
arboribus  
adonea.*

tis sit, cum Columella, paleato luto bene subactō,  
 plagas obducere, & superiori parti vulneris, mu-  
 ſcum, cespitem, ceram, aut picem, tenero cortice  
 vestitam apponere, ne pluuia illabatur, vel à fri-  
 goribus, pruinis, niuibus, grādine, aut aliter, arbu-  
 ſcula deſuper offendatur. Poſtremò, omnia vimi-  
 ne, aut vinculo alio diligēter obſtringūtur, ne dif-  
 fluant, aut beſtiarum occurſu, diffiliant. Eadē pla-  
 nē ſeruabitur diligētia in muniēdo & reſarciēdo  
 foramine: niſi quòd ad eius oſtiolū, paris magni-  
 tudinis & formæ teres lignum ſic intrudetur, vt  
 exactē foramē claudat. His ad vnguem & oppor-  
 tunē actis, arbuſcula ſuæ relinquetur naturæ, vt  
 fructus, fauente cælo, probè coquat, & ſuo tem-  
 pore decerpēdos foueat. Quos experieris eadem  
 facultate præditos, quā intruſa medicamenta. Ex  
 quo verè dici poterit, *Patrem ſequitur ſua proles.*  
 Ioannes Meſuæ Arabicæ medicinæ Doct̃or præ-  
 ſtantiſs. docēs quomodo fiant pruna quæ aluum  
 ſubducant, & corpus vacuēt, ad hunc ſcribit mo-  
 dum. Truncum arboris pruni, duobus locis, vel  
 tribus, vnius palmæ interuallo, tenuiter perforāt,  
 immiſſoque ſcammonio lutant: pruna ob id pur-  
 gantiora euadunt. Dātur ſucco, vel decocto, cum  
 ſaccharo, ad vnciam vnā. quo loco malè ſcribi  
 puto, libram vnā. Cæterū, ſedulò proſpicien-  
 dum erit, ne ab erucis, aut aliis germinum prædo-  
 nibus infeſtetur medicata arbuſcula. Quod rarū  
 eſſe hætenus obſeruātū fuit, ob vim medicamen-  
 torum, quæ etiam in folia diffunditur. Vnde illa  
 ad multa prodeſſe nouimus, raróque vidimus ita  
 medicatarum arborum fœtus verminare.

*Pulchra Phi-  
 loſophia  
 hortenſis  
 & ruſtica.*

*Obſeruāda  
 & cauenda  
 in hac Den-  
 tariata.*



*Modi sex medicandarum arborum, vt fructus  
ferant qui corpus clementer purgent.*

C A P .

I I I .

**Q**UANDO arbuscula, quo diximus modo selecta, germinum lactescentes oculos aperire, & carbunculos, florum suorum rudimenta, pandere satagit, statim ac sedulò, vitium more vndique est ablaqueanda, aut, si familiariùs & crassius me loqui iubes, discalceanda, vsque ad radicũ fibras & venulas. Quæ vbi apparebunt, & ritè expurgatæ erunt, illis sursum ac deorsum fasciculos, vel, vt medicè, imò verò Catonianè & rusticè loquar, manipulos aliquot, ex suprà memoratis pharmacis, iuxta præscriptam methodũ apparatus, sternes, consepelies, & infodies, superaggesta terra, optimo fimo debitè temperata. Si siticulosa erit anni tempestas, matutinæ & vespertinæ rigationis imbre quandoque recreabitur arbuscula, & ita suæ naturæ in tempus, colligendis eius fructibus opportunum, relinquetur. Hæc prisca est medicandi formula.

*Secundus  
modus me-  
dicandarũ  
arborum.*

Qui subtiliore sunt Minerva, & rerum arcana penitiùs scrutantur, hæc viam, fœlici successu, inuisse, mihi nuntiarũt. Sub finem Martij, insignem ramum quempiam radicis generosæ arboris medium secant: Et quâ truncum vel caudicem spectat, in vas terreum humidis rebus, iisq; medicamentosis & purgantibus, plenum, ita inferunt, & hinc inde claudunt ac obstruunt, vt nihil effluere vel diffilari possit. Tum demum regeſta terra, cœlo & aëri arborem in autumnum, vel tẽpus

*Tertius mo-  
dus medicã-  
darum ar-  
borum.*

aliud decerpendis eius fructibus idoneum committunt : quo reuoluto, opus , si quidem necesse erit, initiante vere, iterāt. Non dissimili artificio, quo Architectos, & solertes aliquot lignarios artifices, vti nouimus : dum sibi arbores comparare fatagunt, quorum ligna variè figurata & picturata conspiciantur. Si quis loco medicamentorū, vel medicamentosarum plantarum, odores, vel odoratas aquas, aut quid aliud in vas, quo diximus modo, consepeliendum immiserit, non solum fructus arboris illius, sed folia & cortices, id ipsum miraculo quodā præ se ferre obseruabit.

*Pulchra & notanda.*

Rei huius fidem de experientia sibi factam cōstāter nobis faciebat, anno 1563. amicus noster Petrus Bellonius, librorum multorum præstantium editione, & totius Europæ & Aphricæ peregrinatione celebris, paulò antè quàm impius ensis scelerati cuiusdam grassatoris, vel ipsiusmet Bellonij (vt fertur) famuli sub vespērā, non procul à suburbiis Lutetianis, illum nobis sustulisset: dum Regios hortos, quibus erat præfectus, ex mandato Reginæ matris, inuisere satagebat.

*Petri Bellonij cadesceploranda.*

*Quartus modus medicandarum arborum.*

Rem eandem paulò faciliùs assequeris, si antequam saluet medicanda arbuscula, circumfossis eius radicibus, sed nullo ictu iniurioso offensis, aquam macerationis & infusionis electorum scopo tuo pharmacorum vel plantarum purgantium, velut ex vbere sensim instillaueris, & dies aliquot id ipsum opportunè repetieris, vel saltem vnaquaque hebdomade sollicitaueris, donec defloruerit, & fœtus sui plenum rudimentum tibi exhibuerit. Si Aquilo spirabit, & gelu regnabit,

bit, defendes quod dicūt, à frigore myrtos. Quod fiet iniectis ad radices arbusculæ tuæ paleis multis fimo pingui superonustis : sed ita, ne fīmū arborem propiūs contingat, & putrente suo calore illam funditus perdat. Id laboris & periculi euades, si frigoribus exactis, rem totam aggrediaris. Vbi retorrída erit æstas, sub crepusculum vtrunque, simili potione, sed paulò dilutiore, arbusculam subinde refocillabis. Modus hic est admodū expeditus, & paratu facilis. Nā cuius promptum est, plantas, vt vocant, laxatiuas, vbique inuenire, & ex catalogo primi capituli, pro arbitrio seligere, ac nonnihil cōtusas, diem vnum aqua multa macerare, & tum demum illa, quo dictum est modo, vti. Hanc viam omniū præstantissimam esse scribit Arnaldus à Villanoua, in operibus medicandarum arborum, plātārum ac vitium, vt proprio dicemus loco. Nam malitia rerum valde alteratur per recessum facultatis earum in aliam substantiam. Ex quo, inquit, sine vlla noxa & periculo facilis sequi solet purgatio ex illis.

Si quis arbusculas huic negotio accommodas non habebit in suo horto, fundo, vel prædio, arbore quātumuis magna, ad hunc modū vti poterit. Eligat ex ea ramum quempiam generosum & bellè educatum, quem Gallica terebra, aut aliter, ad medullam, vel matricem vsque, & nonnihil vltra, perforet, facto satis amplo foramine, pro rami modulo. Deinde foramen illud medicamenti, vt dictum est, inferciat, obturet, vestiat, liget, ac ita naturæ regendum permittat, donec maturos reddiderit fructus, & summè

*Via medicandi præstantissima.*

*Quintus modus medicandarū arborum.*

*Artificium  
valde pul-  
chrum.*

medicamentosos, reliquis ex ea arbore nihil tale agnoscentibus. Modus hic tam est certus ac probatus, ut viderim quandoque pomiferam arborem, à perito artifice colono, quem vno aut altero colloquio institueram, ita medicatam & comparatam, ut quatuor ramis ex eodem trunco natis, poma diuersarum qualitarum & medicinarum proferret, ac aliis quatuor diuersorum saporum & odorum. Quod nec insitione factum erat, nec alio adulterandi artificio, quàm eo quòd hìc describimus. Erat & id summè in ea arbore admirandum, quòd neque folia, neque fructus ramorum ita medicatorum ab erucis aliquo modo infestabantur, aliis eiusdem vndique populatis & erosis. Venio ad reliquos Dédriatrię nostrę modos, ut ex pluribus habeas unde seligas.

*Sextus mo-  
dus medi-  
candarum  
arborum.*

Sunt qui medicandas arbusculas opportuno tempore trāsplantent, sed ita, ut scrobi illis factæ & destinatæ, selectas herbas medicamentosas, stercoreis loco, larga manu priùs substernāt, & radicibus defodiendarum circumponāt, ac demum adobruant, remisto pingui letamine terræ. Si feruida sequatur æstas, & insolens grassetur incendiū, quale per *κυνόδυσμα* sæuire solet, aqua macerationis plantarum substratis similium, arbusculam idoneis horis reficiunt.

*Modi alij admodum faciles, expediti, & probati.*

C A P. I I I I.

**Q**UIDAM ex Dioscoridis consilio, in vino Phthorio, plantas multas, quibus inest purgandi facultas, ad imum truncum medicandæ arbusculæ

arbusculæ disseminât, vel vndecunq; implantât, *Septimus*  
 & adeò profundè illarû radices infodiunt, vt ra- *modº medi-*  
 dicibus arbusculæ, si fieri potest, adhæreant. Que *candarum*  
 neresiccentur, aut tabescant, crebra rigatione *arborum.*  
 hinc inde tempestiuè occurrunt, sataguntque vt  
 plantarum facultates purgatrices, ea perfusione,  
 quasi vehiculo, alimentis arbusculæ radicatim  
 permisceatur, & sursum, vi ramorum attractrice,  
 emulctrice, & vegetatrice, ad fructuum formatio-  
 nem & alimoniam, sensim attollâtur. Sed ita sunt  
 coaptandæ & disponendæ huiuscemodi plantæ,  
 vt arboris truncum amplectantur & coronent.  
 Nam ex illarum ἀπερροία & effluuio, aliquid in  
 amplexatam, insensibili transpiratione, abibit, &  
 conformabitur. Quod sanè absurdum esse non  
 debet: cùm videamus arboreos fructus plerosq;  
*Pulchra &*  
*notatu di-*  
*gna.*  
 certarum plantarum sapes ac odores præse fer-  
 re, quas vel substratas habent, vel haud ita procul  
 distitas. Sic quædam mala, brassicam olent, quòd  
 illam vicinam videant, eiûsque diurna & noctur-  
 na defluuia exhauriant, ac modo imperceptibili,  
 duce aëre, imbibant. Sic prætereà, vina quædam  
 plus aliis diuretica esse experimur: licet in eodem  
 tractu & fundo omnia nata & educata sciamus.  
 Quod vicinis & sociis herbis ac radicibus, qui-  
 bus facultas inest ciendi vrinas, ascribendû duco.

Non defuerunt qui fissuras, aut terebrationes  
 medicadæ arbusculæ, iuxta primam methodû ar-  
 tificiosè factas, compositis medicamentis pur-  
 gantibus oppleuerint, & reliqua præscripto or-  
 dine perfecerint. Quod quàm fœliciter, non-  
 dum ex illis audire licuit.

*Octauus*  
*modus me-*  
*dicadæ ar-*  
*borum.*

*Nonus mo-  
dus medicā-  
darum ar-  
borum.*

Noui quosdam qui ramum ex selecta arbore ita raptum & vulsum vt aliquid de ea secum auferret, ac generosis fructibus scateret, figulino vase, aut ligneo cado, stercoreata terra saturo, altissimè infodiebāt, & plantulas purgāte facultate præditas, hinc inde comites illi dabant, æstūque vigente, aqua macerationis plantarum consimiliū, diluculo, & vespere, larga manu irrigabant. Id tandiu, positis interuallis, repetentes, donec fructus adultos, & ad vnguē maturos iudicarent. Modum hūc verissimum esse, mihi certò asseruit quidam ex eorum monachorum ordine, quos Celestinos vocant. Nec aliis plantis se vsum asserbat, quàm iis quæ in publicis cœnobij hortis occurrebant: nimirum Lathyride, Ricino, Tithymalis, Viola martia, Malua, & similibus. Quarum auspiciis, quo dictum est modo, cerasia, pruna & persica præcocia, sibi comparauit, quæ clementer & absque tædio, aluum subducebāt, ad tres, quatuor, quinque, plures vel pauciores deiectiones, pro assumptorum quantitate & numero. Addebat se hinc magnam gratiam & fauorem iniisse apud multos præpotentes ac diuites, quos participes fecerat fructuum suorum medicamentosorum. Quod hîc scriptum volui & adnotatum.

*Decim⁹ mo-  
dus medicā-  
darū arbo-  
rum.*

Postremum erit, quod vna & altera obseruatione mihi hætenus fœliciter, & ex animi sententia successisse deprehendi. Sunt quædam præcocia & fugacia pomorum genera, quæ figlinis, aut ligneis vasis capacibus, aluntur, crescunt, fouentur & maturescunt: dum poma dico, fructus eos cum Grammaticis intelligo, qui molli pelle vel

vel tunica teguntur. Vbi illorum parentes arbusculas defloruisse, & fœtum adhuc informem, sua forma velle informare obseruo, tunc liquoribus ex maceratione simplicium medicamentorū purgantium & scopo meo idoneorum, expressis, nascentes, & adhuc lactescentes arbuscularum partus, velut ex vbere, blādo instillatu & irrigatu foueo, idque, electis horis & temporibus, dies aliquot facere perseuero, paucis contentus fructibus & arbusculis: sed iis generosis tamen, & ob id accuratè & sollicitè educatis. Si retorrida & sicca inualefcit tempestas, vt hinc sitire videātur, simili liquore, opportunis horis etiam refocillo, & ob rapidum æstum siticulosam terrā, ad inebriationem vsque, diluo & irrigo. Hæc de medicādis arborum fructibus vt alium subducāt, satis erant. Nunc demum nobis explicandæ veniunt aliarum medicationum formulæ, sanè quàm iucundæ & vtiles.

*Arborum medicationes aliæ, ad particulares effectus, pulchræ & animaduersione dignæ.*

C A P. V.

SI ab arbusculis tui horti, alia exigis medicata Sauxilia, quàm præcedentia (quæ aluo duntaxat lubricandæ fuerunt accommodata, & talibus humoribus vacuandis destinata, quales medicamenta ipsa mouere apta sunt) potes, pro cōcepto scopo tuo, quidquid visum fuerit, arbusculis ipsis, iuxta præscriptos modos, committere, & quodāmodo implātare. Itaque si fructus habere

*Fructus  
cōtra pe-*

*stem & ve-  
vena.*

*Fruēt<sup>9</sup> som-  
niferi.*

voles contra pestem ac venena auxiliares, loco purgantium medicamentorum, commodè ac salubriter vsurpare poteris, theriacem optimam, vel mithridatium, aut radices alexipharmacas, & alia pesti ac venenis aduersantia (de quibus multa in nostris contra pestē Secretis) iisq; arbusculas tuas, qua dictum est methodo, imbuere, ac saturare. Si fructus ὑπνοπικὸς καὶ ὑπνοφόρος hoc est, somnum concilians habere saragis, plantas, radices, semina soporifera, & alia, arbusculis tuis non dissimili accommodabis methodo. Verum enimverò, priusquam manum de hac, quod dicunt, tabula remoueam, paucis admonebo quid Ioan. Langius aduersus fures fructuum hortensium & arboreorū scripserit. Cantharidū vsum, inquit, nusquam commodiorem reperi, quàm si crudum earum puluisculum pomis, prunis, ficibus, persicis quoque, & aliis venustioribus fructibus ab ima arbore pēdulis inserueris, fissurāq; reducta cutē vel putamine celaueris & occulta-ueris. Hæc si pomorū fures de decerpta gustauerint, intolerabilis urinæ dolor & stillicidiū furtū illorū redarguet, ac supplicij grauitate pensabit. Sed de his satius fuerit tacere, quàm plura scribere. Alia, penè innumera, pulchra & vtilia ex hisce progymnasmatibus & præludiis nostris, facilè excogitare ac inuenire poterit Lector ingeniosus, & industrius. Nam intelligenti, vt loquuntur, pauca sufficiunt.

*Fructibus*



*Fructibus arborum, odores & sapes quosqis, nec-  
non etiam colores, facile comparari posse.*

C A P. V I.

QVAE haftenus de medicationibus arborum tradidimus, eadem etiam ad odores, sapes, colores, & alia quamplurima, methodo simili, fructibus comparanda & variè concilianda, transferri aptariq; possunt, applicatione rerum idonearum pro voto & arbitrio tuo selectarum ad id quod quæris & optas. Hinc scilicet, absque ullo insitionis artificio & mangonio comparantur fructus, etiam per summam maturitatem acerbi, alij acidi, nonnulli austeri: quidam dulces, melliti, saccharati, plerique moschati, cinnamati, seu canellati, aut alterius saporis, vel odoris, tam grati, quàm ingrati: & ut paucis dicam, quales perito artifice formare visum fuerit. Quod verissimum esse, non tam de auditu, quàm ex gustu & odoratu, non semel exploravi & observavi. Imò verò (quod fidem superare multis videbitur) mora lutea, pyra rubra, ac mala cærulea, tam intus, quàm in cute, & ex sua quæq; arbore pendentia, non sine admiratione, aliquando conspeximus, contrectauimus, aperuimus, & gustauimus, sed nulla saporis gratia, quæ coloribus illis adulterata fuerat, & hinc tota in pabulum oculorum potius quàm linguæ delitias, migrauerat. Miretur hoc qui nescit, nec intelligit multa in vasto mundi huius theatro, miraculi loco esse, quæ ingeniosa hominum diligentia, artificioso medicamentorum adulterio, & solerti insitione, comite ubique in-

*Fructus di-  
uersorum  
saporum.*

*Flortensis  
philoso-  
phia.*

dustria & labore, in lucem protulit. Vnde rectè  
admodum scripsisse mihi videtur poëta,

*Ipsa nouas arteis, varia experientia rerum,  
Et labor ostendit miseris, vsusque magister.*

*Mira arti-  
fictorum in-  
genia.*

Causa cùm plerosque lateat, illis tantum miracu-  
li & stuporis ingerit, vt præter naturam talia fieri  
credant. Res ea, cùm in his quæ hætenus docui-  
mus, & deinceps ostensuri sumus, tum maximè  
in variis arborum insitionibus & florum varietate  
locum habet. Quarum ope & ingenioso arti-  
ficio, medicamentorumque & colorum mango-  
nio solerti, fieri plerùmque videmus, vt vna arbor  
prodigioso spectaculo, diuersi generis, varij gu-  
stus, insueti odoris, necnon coloris & facultatis,  
poma, nuces, vvas, flores, & alia ab vno eodémq;  
trunco emergètia, proferat. Quod exemplis duo-  
bus, penè prodigiosis, demonstrare ac illustrare  
pergam, licet id extra institutum esse videatur.

*Arbores duæ summæ & prodigiosæ admirationis.*

C A P. VII.

*Pliniana  
arbor admi-  
rabilis.*

**I**NCOMPARABILIS ille rerum naturæ in-  
terpres Plinius, de insigni quadam arbore, hunc  
in modum scribit. Vidimus insitam arborem iuxta  
Tiburtes Tullias, omni genere pomorum onu-  
stam: alio ramo nucibus, alio baccis, aliunde vi-  
te, ficis, pyris, punicis, malorumque generibus:  
sed huic brevis vita fuit. Hætenus ille. Multo  
mihi prodigiosior videtur arbor ea, quam Ioan-  
nes Baptista Porta, Neapolitanus, describit in  
Opusculo suæ Magiæ naturalis. Vnam, inquit,  
nouimus

nouimus arborem, delitias horti nuncupatam, crassitudinis & proceritatis non ingratae. Hæc *Arbor prodigiosa & inaudita.* trifurcata erat, & in vno ramo vuas duas vinaceis vacuas, discolores & medicatas gerebat: quarum altera soporem, altera alui deiectionem moliebatur. Secundus ramus persicum proferebat, ex persico & nucipersico, interuallis pluribus, æquè distinctum, & absque vlllo osse. Quod si cui inerat, nucleum dulcem vti amygdala dabat: & nunc hominum, nunc animalium faciem mentiebatur, diuersaq; lineamenta demonstrat. Tertius, cerasia exossa, acida ac dulcia emittebat: adhæc mala aurea. Cortex floribus, rosisq; confitus erat. Porro fructus ipsi debitam magnitudinem superabant, ac aliis dulciores & odoratiores erant. Verno tempore efflorescebat arbor, & ultra legitimum tempus suos fœtus educabat: nam diu in arbore morabantur, & continuæ fœcunditatis orbem toto anno ministrabant. Per quosdam enim gradus poma sibi succedebant, & fœtura interpolabatur. Brachia ponderibus inclinata procumbebant. Denique sic cœlum & solum arbori fauebant, vt pulchriorem in tota vita non conspexerim. Hactenus ille: ex quo tam raræ arboris historiam huc proferre volumus, vt intelligeres,

*Quantum ars ipsa valet, quantumque industria pollet,*

*Et quantum insitio fœcundos adiuuat hortos:*

*Necnon ingenium medicandi hortensia solers:*

*Quis fauet impatiens otij labor, optimus artis*

*Cuiuscunque dator.*

*Arbor verè aurea, sita-  
lis vspici re-  
peritur.*

*Arborum  
insitio &  
medicatio  
multa pos-  
sunt.*

Sed dimissa insitione, de qua nuper Opusculum edidimus, institutum repeto, & ex diuerticulo in viam cœptam redeo : à qua (occasione data) ideo non nihil deflectere volumus, vt ostenderemus artem medicandarum arborum cum insitione copulatam, planè admiràda moliri, si in peritum & industrium cadat artificem.

*De collectione, repositione, custodia & usu fructuum  
medicamentosorum : & aliis in hac arte  
obseruandis. CAP. VIII.*

*Admonitio  
valde notā-  
da.*

*Tempus ac  
modus col-  
lectionis &  
repositionis  
fructuum.*

**A**NTE quàm propositam narratiunculam aggre-  
diar, admonebo artis huius studiosos,  
quòd medicationes hactenus præscriptæ, mino-  
rem materiam, rigationem & sedulitatē exigent  
in arbusculis fructum paruulum ac molliculum  
ferentibus, quàm iis quæ illum maiusculum ac  
duriusculum producant. Primi generis sunt, ce-  
rasus, morus, prunus, persica arbor, antepersica,  
præcocia, olea, & vitis. Secundi, malus, pyrus,  
coronea, amygdalus, iuglans & similes arbores:  
quarum, vt etiam superiorū, fructus non exactè  
suas vires medicamentosas exerent, ante maturi-  
tatem. Per quam die sereno, circa nouilunium,  
alto Sole, blanda manu, absq; vlla iniuria, læsione  
& vitio, fructus decerpentur, ac loco idoneo, vt  
in nostris hortorum Secretis docuimus, in vsum  
accuratè reponentur. Si custodiæ non erit locus,  
vel, quòd anni tempestas australis & pluuiosa,  
illam negauerit, adeò vt hinc à labe & corrup-  
tione periclitari videantur: vel quòd per imbres  
& ne-

& nebulas collecti fuerint, & ob id excrementi-  
tio humore, putredinum parente, abundauerint,  
sublata omni mora, calente clibano (si per Solem *Quomodo*  
minùs licet) aut craticulis ad focum suspensis, in- *siccari de-*  
regri, si parui & tenelli erunt: vel bipartitò, aut *beant.*  
quadripartitò diuisi, & ab interaneis repurgati,  
necnon depellati, si magni & duriusculi aderunt,  
paulatim resiccabuntur, ac blandè torrebuntur.  
His ita comparatis, illico mundis vasculis, vel ca-  
lathis, papyro internè vestitis, reponentur, & ac-  
curatè seruabuntur. Si recepto more condire vo-  
les, præclarè ac salubriter ages. Vfus omniù erit, *Vfus, tēpus,*  
vel ex propria cuiusque carne & pulpa, vel ex *& quantitas.*  
eiusdem iusculo & decocto, sicuti de prunis fieri  
solet per Ichthyophagiam, & esuriales ferias.  
Tempus vtendi esto matutinum, vel paulò ante  
pastum, & nonnunquam sub somnum. Quanti-  
tas limitabitur pro cuiusque corporis modulo,  
ætate, sexu, temperamento, mouendi facilitate,  
vel difficultate, & medicamentorum, quibus im-  
buti erunt fructus, natura forti, cita, aut debili.  
In quam rem, tibi prudenter & opportunè con-  
sulendi erunt docti atque cordati medici. Quod  
vt facias, te etiam atque etiam amicè moneo, &  
valde cohortor. Penè omittebā quòd fructuum  
medicatorum tam ossa, quàm semina, diligenter *Pulchra &*  
colligi debent, ac diligentius custodiri, ob vim *valde no-*  
medicamentosam quæ summa illis inest, non di- *tanda.*  
cam aduersus lumbricos & interanea ventris ani-  
malia, liberandàsque obstructions, sed & alia  
quamplurima, quæ hîc reticere malo, quàm pau-  
cis explicare. Habent de multis id solenne, quòd

*Præcepta  
pro transplan-  
tatione.*

*Dignū an-  
timaduersio-  
ne.*

si implantentur, aut serantur, quæ hinc emer-  
gent arbores, medicamentosum nescio quid præ  
se ferent. Quæ res in surculis aut ramulis, ex si-  
mili arbore detractis, & alibi inferendis, vel pan-  
gendis, locum vix habet: nec etiam in medicata  
arbuscula, si transplantetur ac transferatur. Nam  
materni lactis & soli genitalis negata facultate,  
sublatoque nutricis assueto vberē, succos oblita  
priors, meritò à proprio temperamento, còque  
medicato, in aliud degenerare potest. Quare si  
voles ut ad ingenium redeat, & vires medica-  
mentosas, penè exhaustas, resumat, medicatâ  
alimoniâ, quibus dictum est modis, refocillanda,  
ac instauranda tibi erit. Nec id solum in transplân-  
tatis & translatis locum habet, sed etiam in iis  
quæ nec cælum nec solum mutant. Vnde par erit  
quotannis, aut saltem quoque biennio, recens  
medicamentum, siue simplex, siue compositum,  
aut antidotum, vel quiduis aliud, denuò illis ac-  
commodare. Quemadmodum ex Græcis Flo-  
rentini Georgicis, transcripsit Neopolitanus Pal-  
ladius, & plerique illo antiquiores.

*Quomodo non medicati fructus, tam æstiuī, quàm au-  
tumnales, decerpti & domi asservati, medica-  
mentosi euadant, ut corpus repurgare possint.*

C A P. I X.

*Res multis  
multorū vo-  
sis expetita.*

**H**IC nequaquam silentio dissimulabo, quod  
à multis summè desideratum, & cupidè ex-  
petitum scio. Quid illud? inquires. Quomodo ci-  
tò, facilè, & quouis tempore, quilibet repositos  
fructus

fructus, siue verni fuerint illi, siue æstiuī, seu autumnales, ita possit componere, vt clementer & absque nausea aluum moueant, & subducant, corpusq; à superfluis excrementis liberè ac blandè vacuent. Si patientē aurem mihi præbueris, paucis docebo. Omnium primū à fido quopiam Pharmacopola tibi comparabis purgantia aliquot medicamenta simplicia, ex eorum classe quę violenta nō sunt. Qualia sunt Rhabarbarū, agaricus, sena, polypodium, epithymus, semē cartami, myrobalani, thamar Indi, & similia. Vbi vnum, aut duo ex his, scopo tuo idoneis, probè selegerris, ex medici consilio legitimas ac sanas portiones, negligenter, si opus erit, fractas & contusas, horis aliquot, cum tantillo cinnamomi & seminū anisi, infundes, ac macerabis, in fero lactis, oxymelite, ptissana, vino, aqua, aut blando quopiam liquore, vt visum tibi erit, pro corporis tui & partis anni, necnon aëris tēperamento & statu. Deinde quidquid id erit, percolabis, clemēter exprimes, & calidis cineribus, apto vasculo, superpones: ibiq; horis aliquot insuccabis, vt loquitur Columella, cōpuncta locis multis pruna, persica, pyra, ficus, cotonea, vel cerasia: ex his quę tibi ad manū erunt, nihil refert, modò Solē passā fuerint, vel clibano, vt diximus, resiccata, aut aliter asseruata. Vbi liquore illo medicato, & iusculo, affatim imbuta erunt, & pro rugosis obesula apparebunt, valdeq; turgebunt, tum demū medicamentosa habebis alimenta, quę absque vlla molestia, corpus, soluta aluo, blādè repurgabūt. Rem eandem fœliciter etiā experieris in vuis, quas Dama-

*Quomodo  
resiccati frus  
& medi-  
camentosi fiant.*

*Primus mo-  
dus.*

*Correctio  
præguſtus  
& ſaporis.* ſcenas nuncupant: magno ventriculi ac hepatis  
commodo, ſed detractis priùs, & ex illorum pul-  
pa ſeclufis vinaceis. Si inſuauem quempiam gu-  
ſtum, vt amarorem, acerbitatem, vel quid ſimile,  
præ ſe tulerint medicata iſthæc alimenta, ſaccharo  
optimo, aut puluere glycyrrhizæ, vel cinnamo-  
mî, facilè tegi, ac diſſimulari poterit: adhæc ani-  
ſo condito, vel coriádroy præparato, aut huiuſce-  
modi artificio quopiam aromatico & dulci, pro-  
cuiuſque guſtu ac palato. Quidpiam igitur ex iis  
præguſtabitur, aut vnà māducabitur, vel ſumpto  
illo medicamentoſo cibo, ſtatim deglutietur, vt  
contraria contrariis emendentur.

*Secundus  
modus.* Eſt modus quidā expeditus & ſalutaris, ita co-  
quendorū in foculo cydoniorum, & aliorū quo-  
rumcunq; fructuum maiorū, vt corpus à grauān-  
tibus excremētis abſque vllō tædio, torminibus  
ac ſaſtidio clementer purgent: imò verò purgan-  
do, viſcera roborent. Hunc qui noſſe volet, velle  
autem debent omnes, percurrat aream tertiam,  
cāpi ſeptimi, noſtri Horti medici, ſeu Alexikepi,  
qui nuper rerū multarum acceſſione locupletior  
& emendatior in lucē prodiit: illic inueniet quod  
placuiſſe queat. Sed de his fuſiùs agemus paulò  
pòſt in vino Cydonite, & Hydromelo.

*Tertius  
modus.* Ioannes Langius, illuſtriſſimorum Comitum  
Palatinorū medicus doctiſs. in quadam epiſtola  
ad Cyrlerū, de medicatis fructibus ad hūc ſcribit  
modum. Accipe aquam aut vinum, in qua vel  
ſcāmonea, vel tithymali cortices, aut turbiti, vel  
id genus fortium medicamētorum, maceratū ſit:  
in quo pruna ſicca ex Damasco, caricæ, vucæ paſſæ,  
donec



donec turgescant, maduerint. Hæc absque ullis torminibus aluum leniter expurgant. Nam hæc sola virtute medicamentorum, exuta eorum substantia, imbuuntur. Hactenus ille.

Cognoui qui antea commemoratos nobis fructus, tam siccos quàm recentes, nullo modo macerabant, sed cum purgantibus medicamētis simplicibus, eis à medico præscriptis, & modicè fractis, si opus erat, raro quæ linteolo deligatis, prunorum modo in vino aqua temperato, coquebant: & addito saccharo multo albissimo delicatis palatis edendos proponebant: vel solum eorum iusculum propinabant, & decoctorum carnem per setaceum excernebant, ac mundo vasculo repositam, in vsum idoneum, & tempus opportunum accuratè custodiebant: de eodem bove, vt dici solet, lora trahentes, vnâque & eadem fidelia duos parietes dealbantes.

Noui alios, qui fructus iam dictos, post longam macerationem, quo nuper dictum est modo, blandè siccabant in clibano, & iterum, ac terriò macerabant, & demum resiccatos, pyxide includebant, & quoties opus erat, excludebant, ac in vsum opportunè conuertebant, resperso multo saccharo optimo. Si vigeat æstus, in aqua rosacea macerabant: si hyems erat, suffocatis in vino pauco aliquot eorum buccellis, & copiosa sacchari aspergine dealbatis, liberè utebantur, & quidquid erat vini superbibebant. Sed vt quod sentio verè dicam, non sunt hæc temerè tentanda absque docti medici consilio, perinde atque alia pleraque hactenus scripta. Nam ille selecta

*Quartus  
modus.*

*Quintus  
modus.*

*Doctus me-  
dicus in hac  
philosophia  
ubique cõ-  
sulendus.*

medicamenta, ægrotantium affectibus, aut sanorum præcautionibus idonea seliget, & ad legitimum pondus, ac dosim, vt loquuntur, omnia deducet, iudicióque & arte singula téperabit. Inò verò suoapte Marte, iuxta hanc methodum, noua comminiscetur artificia: quando non omnia possumus omnes.

*Quomodo lactuca, borrago, portulaca, & olera alia, adhæc cucumeres, cucurbitæ, pepones, raphanus, cina-  
ra, fraga, grossulæ, frambæsiæ, & similes fructus ac  
plantæ, deiectionis facultates induent, & sapores ac  
odores varios admittent.* CAP. X.

SI ad medicationes olerum, radicum, & plantarum multarum, prudenter referas quæ de medicandis arboribus nuper scripsimus, nouo hîc sermone opus non erit. Verumenimuerò, quia plantæ radicibus tam solidis non innituntur, quàm arbores, nec tam robusto donantur corpore, nascuntúrque plurimùm seminibus, vel implantationibus, ac breuioris sunt vitæ, idcirco de illis peculiarem hîc instituemus narrationem. Si itaque semina plátarum titulo capitis huius propositarum, aut aliarum, maduerint triduo, vel quatrinduo (antè quàm serantur) in iusculo macerationis purgantium medicamentorum simpliciũ, initio huius Opusculi descriptorũ, & siccata, vicibus iteratis remaduerint, ac ita optimæ terræ, pingui fimo saturatæ, & diligenter subactæ, commissæ fuerint, quidquid inde nascetur, medicatorum seminum facultates ac ingenium referet.

*Hortensium  
penè omnium  
medicatio-  
nes.*

*Primus mo-  
dus.*

Idem

Idem etiam continget, si medicamentosa illa macerationis aqua, vel iusculo, (seu cremore quopiam) pullulantes plantulas, & adhuc lactescentes, aliquot diebus, velut ex nutricis vberè, stilandò, & non mergendo, aut inebriando, opportunis horis foueris ac rigaueris: hinc enim alui solutionem facilem & corporis purgationem ab illis conciliabis. Si grauis æstus inferiora torrebit, eodem liquoris haustu illas sitientes, affatim, & identidem, sed tempestiuè, (vt in arboribus dictum est) refocillare, ac recreare poteris.

*Secundus  
modus.*

Sunt qui per adolescentiam plantarum, radices earum blandè circumfodiunt ad capillares vsque fibras, sed absque vlla iniuriosa tractatione & eradicatione. Tum demum, purgantia medicamenta simplicia, proposito scopo selecta, & nonnihil contusa, si opus erit, earum nudatis radicibus sparsim iniiciunt, ac disseminant (vt in arboribus diximus) regeſtâque terra adobruunt, conſepeliunt, ac ita educari, crescere, & medicamentari permittunt. Quod à multis factum, & salubriter expertum, verè ſcio.

*Tertius mo-  
dus.*

Nonnullis abundè ſatis eſt dū plantulas transferunt, in ſcrobiculum illis deſoſſum mittere ac ſubſternere ſelecta medicamenta: deinde ſtercorata terra, & ſi opus erit, irrigata, omnia condere, ac ita cœlo & ſolo committere. Modos alios requirès ex medicationibus arbuſcularum. Et quæ de liquoribus, & ſuccis medicatis ad plantarum radices infundendis, tradita ſunt, eadem etiam ad ſapores, & odores (de coloribus dubito) prudenter, ac ſolèrter coaptare poteris, exem-

*Quartus  
modus.*

*Historia  
pulcherri-  
ma,*

*Pulchra & b/  
notatu di-  
gna.*

plo Aristoxeni Cirenei : qui , vt scribit Plinius , à patria desciscens philosophia , & helluonum vo-  
luptati ac collegio subscribens , natus in hortis la-  
ctucas , vesperi vino mulso rigabat , eoque potu ,  
donec satis ebibissent , satiabat : vt postridie , cum  
illuxisset , placentas virides à terra missas , se habe-  
re vèditaret : dignum helluone inuentum , nedum  
philosopho . Sed in medicamento so plantarum  
mangonio & artificio versatum satis . Manũ itaq;  
ex hac tabula mouebo , vbi admonuero , quòd  
plantæ , quibus à natura inest purgatrix quædam  
lubricitas , vt violis martiis & maluis : aut lactea  
substantia & dulcedo , non nihil etiam deiectoria ,  
vt lactucis : vel nitrosus succus , & ob id medica-  
mentosus ac deiectorius , vt brassicæ & betæ : aut  
lenta & excrementitia humiditas , vt portulacæ :  
hæ , inquam , & similes plantæ , cura admodum so-  
licita , medicamentis que multis non indigent , vt  
medicatæ , ac purgâtes euadant , cum id naturâ fe-  
rè comparatum habeant : & ob id modica altera-  
tione indigent , vt medicamentosæ fiant . De pe-  
ponibus , cucumeribus , & huius plumæ aliis , non  
dissimilis erit ratio , ob succum excrementitium ,  
aquosum , & non nihil lubricũ , quo largè scatent .

*Vites variis modis medicatas reddere , vt earum vnae ,  
& vina ex illis expressa , aluum clementer moueāt ,  
& corpus absque molestia purgent . CAP. XI.*

*Prisca me-  
dicarum  
vitiũ phi-  
losophia.*

SECUNDVM vindemiã , vbi vites ablaquean-  
tur , quantum putabis ei rei satis esse vini , tot  
vites ablaqueato , & signato : earum radices cir-  
cum

cùm farrito & purgato. Postea, veratri radices in  
 pila contūdito, & circum vitem ponito : his ster- *Primus mo-*  
 cus vetus, & veterem cinerem, ac duas partes ter- *odus.*  
 ræ circùm addito. Radicibus vitis terram insuper  
 iniicito. Hoc vinum seorsum legito. Si voles ser-  
 uare in verustatem ad aluum mouendam, serua-  
 to : nec commisceas cum cætero vino . De eo  
 cyathum sumito, & misceto aqua, ac bibito ante  
 cœnam : sine periculo aluum mouebit.

Aliter, cùm vites ablaqueantur, signato quam- *Secundus*  
 piam, ne admisceas cætero cum vino. Treis fasci- *modus.*  
 culos veratri atri circumponito circum radices,  
 & terram insuper iniicito. Per vindemiam de his  
 vitibus, quod delegeris, seorsum seruato, cyathū  
 in cæteram potionem indito, aluum mouebit, &  
 postridie perpurgabit, sine periculo. Hæc ad ver-  
 bum M. Cato in suis de re rustica Commentariis.

Africanorum & Græcorum geoponici ac me-  
 dici, Catone multò antiquiores, hac incedūt via.  
 Sarmentum quod pangendum est, ima parte fin-  
 ditur, trium vel quatuor digitorum mensura, su- *Tertius mo-*  
 blataque medulla, simplex medicamentum pur- *odus.*  
 gans & deiectorium, ex his quæ primo capite re-  
 censuimus, contusum, medullæ loco intruditur.  
 Vel compositi alicuius pulpa ( quod præstantius  
 est) immittitur. Postea, vulnus aut fissura, ne quid  
 effluat, idoneo emplastro tegitur, deligatur, & ita  
 sarmentum terræ mandatur . Hæc Florentinus,  
 ex Græcorū geoponicis & medicis vnus, & post  
 eum Palladius.

Recentiores satagunt, vt vitis ablaqueatæ radi-  
 ces emundentur, deinde purgantis alicuius medi-

Quartus mo-  
dus.

camenti compositi succum, vel ex simplicis alicuius maceratione liquorem, affusione & rigatione, per dies aliquot repetita, affatim combibant & exhauriant, maximè, dum noua de grauido palmitè gemma tumet. Hoc peracto, terram radicibus regerunt, & ante omnia diligenter cauent, ne tum gelidus & niuosus spiret Aquilo, radices percellens, ac vires medicamentorum obtundens. Qui ex vite hunc in modum medicata nascentur racemi, deiectorij erunt ac purgantes, perinde atque vinum ex illis expressum, sicuti scripsit & adnotauit idem Florentinus, libro primo & secundo suorum Georgicôn. Modus hic sanè quàm facilis est, ac valde expeditus, vt testatur Arnaldus à Villanoua, ob causas in Arboribus expositas. Hinc nimirum visa, repertaque est vna, vt ille idè scribit, cuius acinus quilibet aluum clemèter mouebat, habebaturque res ea pro summo miraculo. Qui vuis & vinis albis oblectantur, vitem ac vina huiuscemodi medicata sibi comparabunt: qui rubris, contrà: quando, velle suum cuique est, nec gustu viuatur vno.

Quintus  
modus.

Est alius modus comparandorum huiuscemodi racemorum facultate deiectoria præditorum cum suis vinis, quem nec tacebo, nec tibi dissimulabo. Sarmenta ex generosis vitibus, opportuno tempore seliguntur, & in vas aliquod semiplenū purgantibus potionibus, vel medicamentosis liquoribus, maceratione longa paratis, deponuntur: deinde illis terra optima remiscetur, ac tantisper resoluitur, irrigatur & curatur, donec sarmentorum & flagellorum oculi nitantur exire. Id ubi fit,

fit, more vitium cæterarum, idoneo loco circumspectè panguntur, summâque habetur cura, ne iniuriola tractatione, vel tantillum offendantur, & hinc ex suo membro excutiantur. Qui inde nascuntur racemi, pro facultate succi ac liquoris, quo imbutus fuerit palmes, medicati euadēt, perinde atque vinum quod ex illis exprimetur.

*Notandum  
& causandum.*

*Aliæ vitium, vuarum & vinorum medicationes pulchræ & ingeniosæ, ad somnum, contra venena, & alia.*

C A P . X I I .

**E**T S I quæ hîc scripturi sumus, facilè & explicatè colligi possint ex præcedentibus, dicam nihilominus de illis aliter, paucis ac breuiter, quantum feret materia. Si loco purgantium medicamentorum compositorum, aut diluti eorum, vel decocti simplicium, quidpiam ex iis antidotis, quæ somnū conciliant, in liquorem solutum, ad vitis radices ablaqueatas, tempestiua rigatione effuderis, vel hypnoticas & somniferas plantas iisdem radicibus consepeliueris: aut circum plātaueris (vt vult Dioscorides, in vino phthorio) tam vuæ quàm calcata & pressa ex iis vina, somnum facilè conciliabunt. Idem fiet, si truncum vitis selectum, vt de arboribus diximus, Gallica terebra, aut alia, perforaueris, & eadem antidota foramini intruferis, ac vulnus, quo ostensum est modo, tractaueris, obduxeris, ligaueris, ac Deo & naturæ permiseris. Si theriacem, mithridatium, aut alexipharmacum aliud, eò intruferis (sublata si opus erit medulla) vel diluto eorundē, aut liquore

*Vitis somnificæ qualiter fiat.*

*Vitis antidotaria, & venenis pangens.*

*Mira vitis  
theriac. alis  
efficacia.*

*Præceptum  
notandum.*

macerationis plantarum venenis pugnātium, radices imbueris, & frequenti rigatione, eaque tempestiua, perfunderis, vitem habebis antidotariam, alexipharmacam, pestifugam, & venenorum, ac venenatorum omnium hostem capitalem: adeò vt nullum animal veneno imbutum, sub ea stabulari audeat, ac stationem aliquam capere. Quin etiam aiunt acetum ex vino vitis huius antidotariæ & theriacalis factum, necnon vuas passas, miram habere facultatem contra toxica, pestilentem aërem & morbum, venenatorum morsus, ac alia pleraque. Quibus deficientibus, proderunt etiam, vitis eiusdem folia trita, & venenatorum ictibus apposita. Quòd si rursus horum omnium penuria fuerit, cinis sarmentorum hominem à periculo vindicabit. Nam & citra theriacem vitis cuiuscunque sarmentum, aduersus morsum canis mirè auxiliatur, modò non fuerit rabidus. Autores sunt (ne quis putet meum esse commentum) Pœnorum & Græcorum geoponici ac medici, & inter hos Florentinus, qui hæc posteritatem latere noluit. Cæterùm hîc nec omissum velim, nec intactû, quòd si de huiusmodi vitibus medicatis sarmentum transferendum, aut inferendû accipiatur, vires sui medicamēti, vt de arboribus diximus, vix relipiet, nec materni medicaminis gustum retinebit. Quare oportebit noua infusione, eaque assidua, vim senescentis succi iterare & suscitare, vt scribit Neapolitanus Palladius, rerum agri doctor non aspernandus.

*Quomodo*



Quomodo carnes gallinarum, caponum, perdicum, columborum, phasianorum, pullorum, anserculorum, turturum, alaudarum, turdorum, & similium alitum: Adhæc, hædorum, agnorum, lepuseulorum, cuniculorum, porcellorum, & similium quadrupedum medicamentose fiant, ut corpus ab excrementis blandè purgare queant.

CAP. XIII.

Ex præcedentium explicatione & doctrina, facile fuit colligere non posse rationi, aut sensui, aut experientiæ, aut doctorum virorum sententiæ consentaneam esse illorum opinionem qui negant vires seu potestates certo generi à forma substantiali contributas ( quæ in temperamenti aut materiæ proprietate consistunt ) aliis nonnūquā rebus natura & specie distinctis cōmunicari: id quod viis multis, & exēplis compositionū, trāsmutationūmq; variis, in fructibus, oleribus, radicibus, vitibus & vinis, hætenus pro tenui nostra Minerua utcunque ostendere sætegimus. Hinc nimirum, nec frustra, nec temerè Galenus multis in locis testatur lac capræ quæ scamnoneam, & rithymallos vel marinā brassicam depasta fuerit, purgatorium euadere. Id quod etiam Hippocrates non de capra modò, verum etiam de mulieribus affirmat: putatque hinc non parum referre, quo siue mulier, siue animal cibo vsus sit, cuius lacte salubriter uti velis, siue sanus, siue marasmo de ægrotans febre, aut ad infantulorū probam alimoniam. Cū itaque sic res habeat, ut quo cibo vescuntur animalia, illius odorem & vires resipiant ac redoleant quodammodo eorum car-

*Vires certo generi attributas, aliis specie distinctis cōmunicari.*

*De lacte medicato notanda & observanda.*

nes: cùm lactigeræ pecudes, & boues, quem  
*Turdos olē-* delinxêre salem (vt est apud poëtam) referunt  
*re Iuniperū* in lacte saporem, imò verò in butyro & casco,  
*quādoque.* cùm iuniperum oleant turdi qui illius baccis per-  
 libenter vescuntur, quidni etiam alitum quarun-  
 dam, & quadrupedum iuniorum medicatis re-  
 bus & pabulis, vt mox dicemus, educatorum,  
 medicatas eorundem vires & facultates in pro-  
 pria carne & pulpa referant, & hinc medicamen-  
 tosa ea caro & purgatrix euadat? Sed quonā, in-  
 quies, modo, id assequetur? vt priscos medicos  
 & philosophos, qui ea de re scripserunt, in præ-  
 sentia omittam, ex recentioribus, pro multis,  
 vnum Thomam Erastum proferam, quem paucis  
 audire graue non erit. Docuit me, ait, aliquando  
 præceptorum meorum vnus, purgatorias red-  
 dere gallinarum carnes, & bene successit in hūc  
 modum. Decoquenda sunt purgantia pharma-  
 ca, vt helleborus, scammonium, agaricus, rithy-  
 mali, & similia, cum tritico, aut hordeo. Hoc  
 solo exsiccatō si vescantur longo tempore galli-  
 nę, (vel huiusmodi volucres alię) purgabit earum  
 caro comesta, nec erit admodum insuauis & gu-  
 stui ingrata. Hæc ille. quod artificium non ad so-  
 las gallinas, capones, perdices, phasianos, & hu-  
 ius plumæ alites alias, sed etiam ad quadrupedia  
 animalcula quædam, vt hœdos, agnos, lepu-  
 sculos, porcellos, & huius pili similia, prudenter  
 accommodabis, medicato, vt diximus, dome-  
 stico eorum pabulo. Nam de agrestibus hîc non  
 loquimur, sed domi vel educatis, vel educandis.  
 Verumenimverò, precium operæ istius fuerit  
 eundem

*Quomodo  
 fiant purga-  
 toriæ alitū,  
 & anima-  
 lium paruo-  
 rum carnes.*

eundem Eraſtum rurfus audire, eam in rem alibi paulò plenius & planius ad hunc philoſophantē modum. Hellebori radix, inquit, in aqua cocta, medicatam eam reddit & purgatoriam: in qua ſi maceratus panis aut triticum à gallina dies aliquot comedatur, & in chylum, ſanguinem, & carnes in eis permutetur, tum demum occidatur, coquatur, & à quopiam homine edatur, proculdubio purgandi vim & facultatem, ab helleboro contractam, per tot ſubſtantiales mutationes conſervafſe deprehendetur. Hoc ſi eſt, quis, obſecro, adeò infaniet ut in tali carne formam hellebori, aut huius eſſentialem poteſtatem quærat. Erunt itaque hæc, cum in præcedentibus, tum iis quæ deinceps dicentur accipienda de viribus quæ in temperamenti aut materiæ proprietate conſiſtunt. Non ſum neſcius præroſque etiam magnates ſuperiores alites vel animalcula exenterata ac plumis, & corio exuta, infarcire purgantibus medicamentis ſimplicibus, ut rhabarbaro, agarico, foliis ſennæ, ſemine cartami, radicibus polypodij, epithymo, & ſimilibus, vno, duobus, vel pluribus ſimul, addito cinnamomo, ſemine aniſi, vel fœniculi, necnon herbis parti ægrotanti idoneis & congruis: tum demum hæc omnia ventri alitis, vel animalis inſerta, conſutóque oſtiolo, per quod immiſſa erunt, igni lento torrenda committere: ut vaporofa medicamentorum horum ſubſtantia imbuta caro, & ut ſic dicam, inſuccata, medicamentofa & purgatrix euadat. Alij farctam in hunc modum alitem, & his medicis miſcellaneis intus ſaturatam,

*Eraſtus in  
explicatio-  
ne de pur-  
gantia me-  
dicamento-  
rum facul-  
tatibus.*

*Alius modus  
medicanda-  
rum carnis  
alium &  
paruerum  
animalium.*

*Modus a-  
lius, &  
formula.*

pingui iusculo incoquendam deponunt, eoque decocto purgante vnà cum carnibus salubriter vtuntur : & hinc corpus à grauantibus excrementis blandè repurgant . Sed de his hæcenus scriptum sit, vt aliis suum demus locum & ordinem .

- Hæc itaque de medicandis arboribus, fructibus, oleribus, radicibus, vitibus, vuis, vinis, & carnibus satis erunt . Quæ si placuisse, & grata fuisse intellexero, quæ apud nos latent & pulchriora, & præstantiora, ex vmbra in lucem communi iuuandi studio profeceremus.

ANT.

## ANT. MIZALDI MONLVCIEN-

SIS, MEDICI ARTIFICIA PERPV-  
CHRA COMPONENDORVM VINO-  
rum, quæ diuersis morbis blandè ac iucundè  
succurrant: cum prisco ac recenti quorundam  
catalogo, & auxiliis.



ERTVM est priscos medicos  
summo studio ac diligentia  
perquisiuisse, quoniam modo  
diuersis affectibus corporis &  
animi, cum curandis, tum ex-  
citandis, vina artificiosè con-  
cinnarent, & medicata facti-  
tarèt. Qualia sunt Theophrasti apud Heracleam  
Arcadiæ, quæ viros dementabant: Athenæi apud  
Thasios, quæ somnum accersebant, & fugabant:  
Plinij Arcadica, quæ fœcunditatem fœminis im-  
portabant, & viris rabiem. Adhæc Træzenia, quæ  
qui biberant, negabantur generare: & Lycia quæ  
qui gustauerât, his soluta aluus firmabatur. Hinc,  
scilicet, variæ illæ, apud M. Catonem, vinorû con-  
cinnationes, ad varios affectus: necnô apud Dio-  
scoridem: & ante iam dictos omneis, apud Pœ-  
norum & Græcorum geponicos ac medicos, si-  
cuti suo loco deinceps ostendemus. Horum arti-  
ficia omnibus penè morbis, citò, tutò ac iucundè,  
necnon (vt aliquid de meo addā) quàm minimò,  
auxilianria, cum legissent posteriores medici, hinc  
(fortasse) consultò moti fuerunt, vt medicamenta  
quædam purgantia, vino macerarent, & horis ali-  
quot infunderent, ad conciliandā ei medicamen-

*Varia anti-  
quorum vi-  
na ad va-  
rios affect⁹.*

*Vini facultates mirae in corpus.*

rosam facultatem. Quod, Dij boni, quanto applausu, & corporis totius consensu sic hauritur! Quas, obsecro, vireis in corpore clementer ac blandè ita non exerit? Quam suauitatē medicamentis & rebus, quibuscum miscetur, non adfert? Quas facultates cerebri, ventriculi, iecinoris, cordis & intestinorū non roborat, substantiæ, ac naturæ suæ familiaritate, quæ nobis amica est, assueta, & penè dixerim, congenita? Hinc nimirum Galenus noster, Falernum Mithridatio, & Theriacæ miscendum præcepit, vt multorum amarorum, quibus constant antidota illa, iniucunditatem tegat, & ventriculo qui amara auersatur, suauitatem conciliet, contérricémque eius vim roboret. Rectè itaque ac prudenter solertes medici factitia vina excogitarunt, quæ facultates impressorū illis medicamentorum, celeriter ac iucundè toti corpori, essentiæ tenuitate, ac familiaritate distribuerent, & à variis affectibus illud opportunè liberarent, absque noxa, tædio, ac nausea. Horum compositiones multiplices, & artificia diuersa, tibi candidè, vt omnia, proponere ac paucis exponere, nec detrectabo, nec grauabor: vt habeas è multis quæ pro arbitrio seligere & sequi possis.

*Vinorum medicamentosorum artificiosa aliquot concinnationes, tam per vîndemiam, quàm alio quouis tempore aggrediendæ.* CAP. I.

**V**ÎNDEMIAE tempore, mustum ex albis racemis, iisquæ optimis, ac minimè vitiatis expressum

pressum (si albo vino delectaris) vel ex aliis comparatum, seliges ac sepones: & antè quàm efferveat, in doliolum, cadum, lagœnam, vel aliud vasculum, ex munda & proba materia concinnatū, opportunè infundes. Sed ita, vt prius selectę materię tuę medicę, lotę ac purgatę, in dictum vasculum descenderint: siue herbę fuerint illę, seu radices, flores, semina, species, aromata, fructus, grana, aut res alię quęuis medicamentosę, quarum facultates mustum imbibere, ac prę se ferre fatagis. Quod equidem duodecuplam proportionem habere debet ad dictas materias plūs, minūs, pro intensiore & remissiore illarum sapore, odore & qualitate. Id vbi factum erit, scutellā vno latere apertā, vel illo aliquantulū sublata, vinarij tui vasis osculum, & supremum spiraculum, operies: vt fæces sensim ab imo ad summum tendentes, liberum habeant emissarium, & quod medicato halitu ac feruore sursum volitat, despumatum ad inferiora retrudatur. Vbi feruor resederit, & despumatio cessauerit, vas omnino replebitur, (quod pro aliis deinceps dictum velim) &, ne quid effluat, diligenter stipabitur, ac loco idoneo in vsum seponetur: qui post duos menses opportunus erit. Vides quanto artificio hęc elaboratur, & quasi à natura conficitur, &, vt ita loquar, incorporatur, quod iniectum & comprehensum est. Nam per naturalem musti calorem, validāque ebullitionem, interna rerum infusarum, necnon confusarum fit agitatio, velitatio & impressio. Quā vinū, multò superius, viribus propriis eas spoliare, sibiq; proprias facere,

*Primus modus componendorū vinorum medicatorum.*

*Pulcherrima narratio, pro sequentibus valde notanda.*

*Arguta philosophia & non vulgaris.*

imbibere, & vt theologicè loquar, tranſſubſtan-  
tiare, viis, modiſque omnibus molitur, ac tandè  
aſſequitur. Ex quo medicamentoſum euadit, &  
hinc vî admodum penetrabili, artifice industria,  
inſitas, conceptaſque rerum immiſſarum, ſibiſque  
creditarum facultates, ad omnia corporis mem-  
bra, in niſtu oculi, iucundè perfert ac diſtribuit,  
abſque vlllo naturæ grauamine, tædio, nauſea,  
aut faſtidio: ſicuti probatum, expertum, ac ſum-  
mè obſeruatum habemus, ſcimus, ac vidimus.  
Hoc primum eſt concinnandorum vinorum ar-  
tificium paratu admodum facile, ſed mihi vtcun-  
que ſuſpectum. Nam periculum eſt, ne muſto  
immerſæ, aut natantes materiæ, ex mora, loci  
natura, diſflatione præpedita, & aliis, vitium  
trahant, ac vinum ita labefactent, vt ætatem fer-  
re non poſſit, ſed in vappam illico abeat, aut an-  
te tempus aceſcat. Quare præſtaret, feruore vi-  
ni ſedato, & deſpumatione facta, illud elutria-  
re, & in alterum vas tranſfundere: incluſaſque  
materias excludere, & procul amandare. Niſi  
malles aliud muſtum illis ſuperfundere, & hinc  
comparatum vinum, quod priore multò erit  
imbecillius, pauperibus ægrotantibus elargien-  
dum cuſtodire.

Eſt alter modus quamplurimis vſitatus ac  
familiaris, cuius talem habeto formulam. Me-  
dicæ materiæ, pro concepto cuique ſcopo electæ,  
in optimi muſti iuſta quantitate ( comparato ad  
id vaſe idoneo) tantisper coquuntur, & tempe-  
rato igni, ex ſemiuſtis carbonibus accenſo, tan-  
diu leniter bulliunt, ſpuma ad vnguem excluſa,  
donec

*Reſutatio  
ſuperioris  
artificij.*

*Secundus  
modus.*



donec pars tertia, plùs, minùs, absumpta fuerit: aut mustum ipsum, rerum immissarum saporem ac odorem exactè imbiberit. Id vbi factum est, noctem integram adopertum vas, cum suo vino & materiis quiescit, sequente luce, per vimineum colatorium omnia transmittuntur, ac vînum ita percolatum alteri musto (sed minoris quantitatis) vase ad id accommodo, diligenter remiscetur, & transvasatur: aptato ad summum eius spiraculum & emissarium operculo, qua nuper scriptum est formula: vbi perfectè deferbuit, & defæcatum est, ritè impletum, operculatum & clausum, loco idoneo, in vsum custoditur, ac seponitur. Sed rursus modus iste (quanquam non ignobilis) sua non vacat suspitione, ob rerum immissarum ebullitionem plùs æquò (fortasse) maiorem vel minorem, intensiorem aut remissiorem, nulla graduum basi in his præscripta & obseruata. Nam sunt multa quæ longam coctionem sustinent, alia verò breuiem: cuius si non habeatur perspecta ratio, vires decoctorum resoluuntur, & in fumos illico abeunt. Quare satius esset, ac multò consultius, medicas materias tādîu in musto macerare, donec illarû naturam ac facultates, tam gustatu, quàm odoratu, induisse ac ebibisse deprehenderetur.

*Infirmatio  
superioris  
modi.*

*Consilium  
notandum.*

Quod vbi cōstabit, lenta ebullitione  
eâq; leui, negotiû, quo dictum  
est modo, facilè ab-  
soluetur,

*Aliæ eorundem vinorum artificiosæ compositiones, magis tritæ ac vulgares.*

CAP. II.

*Primus modus.*  
**S**UNT aliæ medicandorum vinorum methodi, quas paucis tibi expediam. Medicæ materiæ recètes, aut, si id minùs licet, semisiccæ, & negliger contusæ, lineo, aut cannabino sacculo admodum raro imponuntur, & ad præscriptas formulas in optimo musto præmadent atque innatant, additis lapillis, si leuiore erunt, vt in vino hyssopite docet Dioscorides. Vbi satis emaduerint & maceratæ fuerint (quod ex sapore & odore musti illis imbuti percipitur) tum demum blâdè, & quantum licet, expeditè coquuntur, despumantur, & excluso sacculo, factâque illius forti expressione, vinum ita medicatum, alteri (sed minoris quantitatis) miscetur, & nonnihil mouendo, agitur. Id vbi exactè in suo doliolo deferbuit, diligenter repletum & operculatum, diligentius custoditur.

*Secundus modus.*  
 Alij in generosum vinum (nihil refert nouum fuerit, necne, adhæc album an rubrum) selectas, pro arbitrio, medicas materias, lotas ac repurgatas immittunt: & horis aliquot, vt dictum est, ibidem macerant, coquunt, despumant, percolant: & absque vlla expressione, vinum in vas mundum deponunt, replent, optimè claudunt, & vsui reseruant. Hæc viâ trita est ac vulgaris, quam etiam nouit media de plebe popellus. Probarem sanè materias sacculo aut linteo vbique includi, vt commodè, & absque vini iactura, excludi

cludi ac retrahi possint. quod Dioscorides ubique facit.

Qui solertiores sunt, & ingenio perspicaciorē secreta rerum explorant, medicas easdem materias, quo dictum est modo, apparatus, cum duodecupla quantitate racemorum alborum, aut nigrorum, miscent, confundunt, & vindemiæ more, calcant, vnaque tandiu in doliolo ad id congruo, aliorum vinorum more efferuescere permittunt, donec clarum & defæcatum vinum, ex his miscellaneis secerni possit. Id ubi animadvertunt transvasant, & ubi iterum deferbuit replent, & custodiunt. Sed ea de re in compositione vini Guaiaci fusius scripturi sumus. Quod ad reliquias materiarum attinet, vinum illis desuper iniiciunt, referuescere sinunt, exhauriunt, ut vina alia curant, & in usum ægrotantis familiæ seponunt. Nam tantum distat inter hoc postremum, & præcedens, quantum distant (quod dicunt) æra lupinis. Hic modus mirum in modum mihi arridet, ob legitimam rerum fermentationem, permissionem, sequestrationem, insinuationem, & alia, quæ sciens omitto, & volens prætereo, ne longa narratio tædium pariat.

Non desunt qui vina ista inualecente æstu, (dum insana Canicula messes concoquit, & ardenteis contristat Sirius agros) vitreis phialis, ad Solis viuificum ignem, conficiant: artificio non damnando, & conatu nequaquam inutili, ob causas nobis alibi expressas.

*Tertius  
modus.*

*Quartus  
modus.*

Primum in  
hac ænia-  
ria seruan-  
dum.

Secundum.

Tertium.

Quartum.

Quintum.

Sextum.

**H**ic supersunt quædam, ex Dioscoride, & aliis, nunc demum aperienda, quæ in octo capita paucis digeram. Primum, vinorum factitiorum vasa debere impleri: quia non plenis facilè in acorem transeunt vina, & promptissimè corrumpuntur: quod populare est. Secundum, Medicata vina, perinde atque medicamèta, rectè valentibus insalubria esse, nisi ad morbi alicuius præcautionem fumantur, ex consilio docti & prudentis medici. Tertium, febricitantibus summo delectu & iudicio exhibenda esse, imò verò, si Dioscoridi credimus, abdicanda: præsertim quæ cum frigoris rebus nihil habent commune. Nam vinum ad febrem, est vt ignis ad ignem. Quartum, factitia vina misturarum vires sibi asciscere. Quare non difficile fuerit iis qui rerum naturas norunt, medicatorum vinorum vires coniectura quadam assequi: vt in vino è Beonica tradit Dioscorides, quod nos paulò post describemus. Quintum, vina ista dum in vsum traducuntur, & è suis doliolis identidem hauriuntur, periclitari vapescere, acescere, aut aliter vitari: nisi maturè illis prospiciatur. Quod fiet si optimum oleum salis experts superfundatur. Nam veluti tectorio quodam, ab huiusmodi labe illa defender. Sextum, medicamètosus vinis, vt etiam aliis, summè commodare, vel incommodare vasa, in quibus reponuntur, & ligna ex quibus illa compinguntur. Sic factum & expertum videmus, vt vinum

vt vinum in cadis, vel doliolis Tamaricinis conditum & seruatum, lieni ac splenicis magnoperè conferat : & in Fraxineis pesti ac venenis constanter repugnet, & ita de multis, ne sim narrando molestus. *Septimum.* Vina medicata quæ cum musto fiunt, non esse vsui antè x l. dies, vel menses duos ab eorum deferuefactione. secus autem de aliis.

*Octauum.* Octauum, absque arduo labore & sumptu, vinum medicatum fieri sine igne & ebullitione, si quæ visum erit in fasciculum deligaueris, & vino immerseris, adiecto lapide pendulo, vt materiæ, hoc veluti pondusculo degrauatæ, in vinum descendant. Idem fiet, si linteolo raro, vel sacculo mundo materias incluseris, & vt dictum est, in vinum demiseris. Quod diebus nonnullis hinc exactis gustandum erit, & paulò pòst regustandum : & tandiu repetendum, donec vinum, rerum infusarũ saporem ac odorem in se transtulisse, & exactè ebibisse videbitur. Quod vbi prehendes, tum demũ materias excludes, & vinũ habebis pro illarũ facultatibus medicamentosum, tibi sedulò custodiẽdum, & ne difflatum admittat, accuratè obturandum. Superioribus addere

*πρόεργον* non erit, quòd quę insignem habent qualitatem, & vino remisceri debent, parua mole, maximam illius quantitatem exigent, ob saporis, vel odoris excellentem vim, citam penetrationẽ, & extemporaneam insinuationẽ, quæ & gustui & olfactui sese statim imprimit. Hęc si nimia erit, & ob id ingrata, dulcibus, odoratis ac suauibus emendari, vel saltem tegi & dissimulari poterit: sicuti in medicatis fructibus docuimus. Sed de

*Præceptum  
valde obseruandum.*

*Parascene  
ad vinorum  
medicamentum  
facultates.*

artificiis vinorum medicatorum hæc satis erunt.  
Nunc demum restat, vt particulares aliquot  
eorundem formulas tibi proponamus, cum pro-  
priis singulorum auxiliis, vsu, & remediis: grada-  
tim ab antiquorum placitis & formulis, ad recē-  
tiorū scripta, modos & experimēta eundo. Quod  
vt dictum, ita etiam factum agnoscas, sic verba  
ad rem conféro & deduco.

## VINORVM MEDICATORVM ET MEDICANTIVM PARTICVLARES A- liquot formulæ, & præsidia, ex Græcis Floren- tini Georgicis.

*Vinum factitium ex Rosis, Anetho & Aniso.*

*Trium vi-  
norum fa-  
ctitiorū vi-  
res & na-  
tura.*

**I**N vinum mustum, vel aliud, coniicito rosarum  
lexunguium & montanarum, necnon anisi ac  
mellis partem, cum modico croco: simul ligato  
omnia. Id cōmodum erit stomachicis & pleuri-  
ticis. Colligato præterea Anethi semen in linteo,  
& in vinum demittito: somnificum erit, vrinam  
mouebit, ac cibos cōcoquet. Rursus Anisi semen,  
vino, vt dictū est, iniicito, difficultatē lotij emen-  
dabit, ac visceribus summè proderit.

*Vinum ex Asaro, Pulegio, & Fœniculo.*

Primum vrinam elicit, hydropicos & ictericos  
iuuat, hepaticos corroborat, ischiadicos & ter-  
tianarios recreat, ac febrium rigores soluit. Secū-  
dum, aduersus serpentium & reptilium venena  
vtile est. Tertium, lapsam appetentiam erigit,  
stomachum

stomachum firmat, & vrinas mouet.

*Vinum ex baccis Lauri, Petroselino, & Conyza.*

Vinum ex baccis Lauri, tussi, pectori, torminibus, & difficultatibus vrinæ auxiliatur, senibus prodest, aurium doloribus succurrit, serpentibus ac reptilibus aduersatur, & mulieres, quibus vterus strangulationem minatur, apprimè iuuat. Ex Petroselino, ventriculum roborat, eius flatus discutit nauseabundos, appetentiam excitat, vrinam ducit, & somnum conciliat. Ex Conyza, stomacho est valde accommodum: paralyticis, stupentibus, tremulis, torminosis & nephriticis opitulatur, pestilentibusque morbis summè conducit.

*Vinum ex Ruta, Fæno græco, Hyssopo, & Apio.*

Primum aduersus venena, venenata medicamenta, flatus, & reptilia, auxiliare est. Secundum hepatis plurimùm prodest, præsertim si fœnum græcum fuerit contusum. Tertium, pectus purgat, coctionem iuuat, & alio est vtile. Quartum confert lotio reddendo, appetentiæ ac neruorum præcordiorumque doloribus. Sed apij semen debet mitti contusum in vinum.

*Vinum ex Absinthio & Thymo.*

Absinthij, maximè Pontici, drachmas octo contunde, & raro linteolo illiga: demum in ampho- *Amphora  
libræ 80.* ram cum cassia iniice, & mustum optimum superfunde, relicto spiraculo, vt feruescat: deinde reple, & serua. Vfus erit ad præcordiorum ac hepatis dolores, necnon ventriculi cruditates, & affectus alios eiusdem. Eiicit etiam animalia quæ in intestinis connutriuntur. Vinum ex Thymo

*Chænix li-  
bre 2. &  
quadrans.  
Metreta, lib.  
108. men-  
surales.*

sic concinnatur. Thymum dum floret collectum  
& siccatum, terito : deinde in dolium chœnices  
quatuor indito, & vini albi metreta affusa do-  
lium ad dies XL. oblinito. Potens est mulieri lac  
attrahere, & ægritudines fœmineas emendare.  
Hactenus Florentinus inter Græcos geponicos  
& medicos eximius.

MEDICATORVM. ET MEDI-  
CANTIVM VINORVM PARTICVLA-  
res aliquot formulę & præsidia, ex M. Catone.

*Vinum factitium ad aluum mouendam.*

*Cyathus,  
unc. 1. se-  
mis.*

**I**N vinum mustum veratri attriti manipulum in  
amphoram coniicito : vbi satis efferbuerit, de  
vino manipulum eiicito : id vinum seruato ad  
aluum mouendam. De eo cyathum sumito, mi-  
sceto aqua, & bibito ante cœnam, sine periculo  
aluum mouebit : vel cyathum in cæteram potio-  
nem indito, aluum mouebit, & postridie perpur-  
gabit sine periculo.

*Vinum concinnare, si lotium difficilius transibit.*

*Congius,  
libra 10.*

Iuniperum in pila contundito, libram indito in  
duobus congiis vini veteris, in vase mundo de-  
feruefacito. Vbi refluxerit, in lagœnam mittito :  
mane ieiunus cyathum sumito, proderit.

*Vinum ad Ischiadicos.*

De iunipero materiam semipedem crassam mi-  
nutim concidito, feruefacito cum vini veteris  
congio. Vbi refluxerit in lagœnam confundito,  
& postea



& postea vtitor id vini cyathum : ieiunis manè proderit.

*Vinum ad tormina , & si tinea , & lumbrici molesti erunt.*

Sumito triginta mala punica acerba, contundito, indito in vrceū, & vini nigri austeri congios treis superponito : vas oblinito : post x x x. dies aperito, & vtitor : ieiunus heminam bibito.

*Hemina,  
vnt. 10.*

*Vinum ad dyspepsiam & stranguriam.*

Malum punicū vbi florebit colligito : tres heminas in amphoram infundito : vini veteris quadrantal addito, & fœniculi radicem puram contusam ad heminam vnam : oblinito amphoram, & post dies x x x. aperito, & vtitor. Vbi voles cibum cōcoquere & lotiū facere, hinc bibito quantum voles sine periculo. Idem vinū tineas etiam perpurgat & lumbricos, si sic concinnes. Incœnatum iube esse: postridie thuris drachmam conterito, & mellis cocti drachmam vnam, & vini prædicti sextarium : dato ieiuno, & puero pro ætate triobolum, & vini heminam. Hactenus M. Cato, qui in mensuris paulò est liberior, si hæc tempora & corpora spectes.

*Quadrantal  
idem quod  
amphora.*

*Triobolum,  
drachma sex-  
mis.*

# M E D I C A T O R V M   E T   M E D I C A N - T I V M   V I N O R V M   P A R T I C V L A R E S aliquot formulæ, & præsidia, ex Dioscoride.

*vinum Rhodites, seu è Rosis.*

*Mina & li-  
bra, idem.  
Sextarius,  
lib. 2   cum  
vnc. 8.*

**R** O S A R V M contusarum minam linteolo deligatam, in multi sextarios v i i i. demer-

gito, & post III. menses defæcatum vinum transfundens recondito. Vtile est his qui febre carent, & ad ventriculi coctiones, eiúsque dolores, à cibo potum. Valet etiam contra humidas aluos & dysenterias.

*Vinum Absinthites.*

Variae sunt apud Dioscoridem vini huius concinnandi formulæ, ex quibus hanc paratu faciliorem tibi selegimus. Absinthij Pontici mina tusa, & raro linteo deligata, in cado musti maceratur binis mensibus. Vtile est vinum id stomacho, vrinam mouet, coctionem tardam accelerat. Hepaticis, regio morbo, & renum vitiis auxiliatur: fastidia discutit, & iis prodest, quibus ventriculus negotium exhibet. Valet contra longam præcordiorum distensionem, & inflationes, teretisque ventris tineas, & remoratos menses.

*Vinum Hyssopites.*

Libra foliorum hyssopi tusorum, & linteolo raro cum quibusdam lapillis inuolutorû (vt degrauatus pôdusculo fasciculus sidat) in musti amphoram coniicitur. Vinum post XL. dies defæcatum elutriatur. Prodest contra pectoris, laterum & pulmonis vitia, veterē tussim & suspiria. Vrinam cit, torminibus & horroribus febrium circuitu repetentibus auxiliatur, ac menses mouet.

*Vinum è Betonica.*

Herbam semine prægnantem cum suis ramulis, libræ vnus pondere, congiis duobus vini macerant, & post VI. mensem trāsfundunt. Ad multa interaneorum vitia, vt frutex ipse, pollet. Et, vt in vniuersum dicatur, factitia vina, misturarû vires

*Cadus qui  
& metreta  
dicitur, ca-  
pit libras  
108.*

*De ampho-  
ra vide su-  
prà.*

*De congio  
suprà.*

vires sibi asciscunt. Quare non difficile fuerit iis *Præceptum  
vniuersale  
& notan-  
dum.*  
qui illarum naturas norunt, vinorum vires cōie-  
ctura quadam assequi. Veruntamen vinorū vsus  
febricitantibus abdicandus est. Fit etiam è Beto-  
nica acetum ad eadem vitia vtile.

*Vinum Thymites seu è Thymo.*

Valet contra ægras coctiones, fastidia, dysen-  
teriam, neruorum & præcordiorum dolores, hy-  
bernos algores, & venenata animalia, quorum  
morsum frigus insequitur, aut putrescit locus.  
Ad eadem pollet vinum Origanites.

*Vinum ex Asaro & Dauco.*

Prius vrinam ciēt, ac hydropicis, regio morbo  
laborantibus, hepaticis, ischiadicisque conuenit.  
Posterius facit ad dolores thoracis, præcordio-  
rum & vuluæ. Menses pellit, ructus euocat, &  
vrinam cunctantem ducit. Prodest etiam tussi,  
ruptis & vulsis.

*Vinum Saluiatum & Marrubiatum.*

Quod prius est, valet contra renum, vesicæ &  
laterum dolores, sanguinis reiectiones, tussim,  
rupta, vursa, & suppressos menses. Posterius con-  
uenit vitiis pectoris, & omnibus morbis quibus  
marrubium confert.

*Vinum ex Apio, Anetho, Fœniculo & Petroselino.*

Omnium eadem est conficiendi ratio, & vires  
eædem. Sumuntur seminis apij recentis maturi  
& cribrati vnciæ nouem, linteo raro colligantur,  
& in musti amphoram demittuntur. Appetentiā  
excitat, stomachicis auxiliatur & difficili vrinæ, ac  
faciles spiritus facit.

*Vinum Granatorum.*

*Varij modi  
componendi  
vinum Puni-  
corum.*

Ex variis artificiis quibus vinum istud concinnatur, hîc aliquot Dioscoridi ac recentioribus probata conscribemus. Succus exprimitur ab acinis Punicorum, quibus lignosus abest nucleus (apyrena vocant) & ad tertias decoquitur, ac ita reponitur. Efficax est contra fluxiones internas, & febrim cum alui profluuium exortam. Vrinam mouet, aluum astringit, & stomacho admodum est vtile. Alij repurgatos Punicorum acinos, statim prælo subiiciunt, & expressum succum vitreis amphoris recondunt, ibique per se tandiu efferuescere sinunt, quousque deferbuerit & subsidat sæx. Deinde in alias transfundunt amphoras, quod à sæcibus repurgatum eximunt, & oleum super affundunt, ne mora longa vapescat, vel corrumpatur & ace scat. Sunt qui repurgatos acinos cum pari mensura vuæ nigræ, saporis austeriusculi, remisceant, calcent, & per se efferuescere sinant, quoad vinum clarum euadat. Deinde percolatum, in doliolis adseruant: sic enim gustui plurimum arridet. Modum alium expeditum reperiens in nostro Alexikepo, seu auxiliari & medico Horto, campi v i i. area x i. vbi de facultatibus Punicorum agimus, quas etiam agnoscit vinum ex illis concinnatum, quando factitia vina miscellaneorum suorum vires sibi adfiscunt: vt ex Dioscoride proposuimus in vino è Betonica. A quo plura, & longè diuersa vinorum medicatorum genera reposces.

VINO-

## VINORVM MEDICATORVM ET

MEDICANTIVM PARTICVLARES

aliquot formulæ &amp; auxilia, ex Arnaldo Villanouano, &amp; aliis.

*Vinum mirabile pro melancholicis.*

**Q**VI laborant melâcholia ex bile adusta collecta in vasis hepatis ac venarum, vt scribit Arnaldus, aut natura sunt biliosi, componât sibi vinum secundum aliquam ex præcedentibus formulis, quod capiat buglossi, melissæ, scolopêdriæ, epithymi, behen albi & nigri, polypodij querni, foliorû senæ, rosarum rubrarû exunguiû, florum borraginis & buglossi, singulorum mundatorum, quam voluerint partem, iuxta proportionem vini cōcinnandi. Huius vsus salubris erit, per veris & hyemis tēpora, & maximè autumnī, in quo præcipuè viget melâcholia. Si diu seruari debet, tuendæ tantū sanitatis gratia, & nō profligando præsentī morbo, excludetur sena, & loco eius substituetur behen albi & rubri, ana (vt loquuntur) hoc est singulorum, vncia vna. Vinū id melancholicis tristitiam aufert, ærumnosas cogitationes abigit, lætitiā inducit, rationem componit, cor exhilarat, & humorum incinerationes emendat. Valet etiam aduersus quartanas ex adustione factas, & sanguinem à limo ac fæcibus repurgat, corporisq̃ue habitum reparat. Potest id vinū alteri misceri, & solito more sumi, si paulò potentius ac medicamentoſius esset.

*Vsus vini  
melâcholiæ  
emēdantis.*

*Vinum Cardiacum seu cordiale.*

*Vinum bu-*  
*glossatum.* Fit ex borragine, melissa, buglosso, & cinnamomo. Prodest aduersus cordis palpitationem, & cardiacum affectum. Sanguinem corruptum emaculat, scabiem abolet, lepram curat; spiritus recreat, & animum exhilarat. Melancholicos humores & adustos per vrinas educit, ac cerebrum à crassis, turbulentis & ærumnosis melancholiæ fumis expedit. Quibus addo, ait Villanouanus, quòd dementes & furiosos, vinculis retinendos, plurimùm recreat, & ad rationis discretionisq; vsum perbellè reducit. Testis est mihi conscientia, inquit, nisi viderim matronam quandam hinc liberatam : quæ frequenter ex quauis iracundia, velut demens & impos animi efficiebatur, dicenda tacenda loquebatur, & adeò furiosa & intractabilis fiebat, vt ligari cogeretur, donec deferbuisset furor, & illa ad se rediisset. Fuit ei præstantissimo auxilio, & præsentissimo remedio, vini istius vsus, indicatus à peregrino homine quodam, ~~de~~emofynã pro foribus dictæ matronæ implorâte, vt ille idem Villanouanus scribit. Qui etiam testatur succum borraginis, aut buglosi defæcatum, seu (vt loquuntur) clarificatum, ad superiores affectus valde prodesse, si vino misceatur, & quotidie hauriatur : nec indiget vlla dulcoratione, quòd ex se multùm sit dulcis ac suauis succus ille.

*Historia  
pulchra.*

*Succus bor-  
raginis.*

*Vinum Passulatum, vel vuarum  
Damascenarum.*

Passulæ & Damascenæ vuæ, succosæ & à suis vinaceis vel nucleolis repurgatæ, ac parum contusæ,

tusæ, mittuntur in vas idoneum, cui superfunditur mustum, & quibus dictum est modis perficitur. Vtile est senibus, valetudinariis, pituitosis, *Vinum præstatissimum & saluber-  
rimum.* melancholicis, & mulieribus delicatulis. Pectus lenit, iecur & ventriculum roborat, sanguinem emendat, putrefactioni resistit, nausæas tollit, corpus impinguat, ac bellè nutrit. Asthmati & tussii auxiliatur, coëtricem facultatem cum aliis naturalibus, summè iuuat, & lienteriam, aluiq; fluxiones compescit. Syncopem tollit, humiditates consumit, ac hydropi aquosæ succurrit. Paucis, qui hoc vino vitur à pituitosis infirmitatibus defenditur.

*Vinum Cydonites, seu Cotoneorum.*

Vinum melites, seu cydonites sic fit. Mala cotonea, feminibus suis castrata, frustulatim scinduntur, rapi modo, vt scribit Dioscorides, & duodecim librarum pondo, in musti metretam, diebus xxx. macerantur: postea defæcatum vinum reponitur. Id astringit, roborat, & recreat. Vnde *De-metreta scriptum sum-  
pr. i.* cardiacis, stomachicis, hepaticis, dysentericis, nephriticis, & urinæ difficultatibus, summè prodest. Qui post macerationem exempta cotonea coquere volet, ac per saccum excernere, & saccharo condite, habebit cydoniatum satis laudabile, & familiæ ægrotanti salutare. Est & Hydromelum multis celebratum, ac falsò Hydromel à *Compositio Hydromeli.* plerisque nuncupatum, cum nihil mellis admitrat, & nomen habeat ab aqua, & cydoniis, quæ Græci μήλα nuncupant. Huius compositio hunc habet modum. Nouis imbribus nimirum vernis, cœlestis aqua mundo vase excipitur, diu  
e iiij.

in vmbra quiescit, percolatur defæcata, & in ea  
tandiu macerantur cydonia, suis interaneis pur-  
gata, & frustulatim diuisa, donec succus transiisse  
videatur in colorem vini gilui, aut pallidi. Demû  
aqua illa per dies caniculares longo tempore in-  
solatur, vel lento igni, ex carbonibus absq; fumo  
excitato, coquitur, ac despumatur: postea in vas  
refunditur, quod diligenter opertum, loco ido-  
neo seruabitur. Post septimum mensem pro vino  
vti licebit, ad omnia corporis vitia, quæ robore  
virium & astrictione indigent: cuiusmodi sunt  
resoluta, dissoluta, imbecilla, sudoribus diffluen-  
tia, & similia. Viscera omnia laxa recolligit, nau-  
seam & vomitum compescit, lapsam appetetiam  
erigit, ventriculum firmat, lubricas aluos retinet,  
hepar calidum emendat, hæmoptoicis & san-  
guinem spuentibus succurrit, coctionem adiu-  
uat, ac reptantes in cerebrum vapores deprimit.  
Ante cibum retentricem facultatem stabilit, inte-  
stinis robur addit, & deprauatum illorum mo-  
tum componit. Vfus eius omni ætati, sexui ac  
regioni, vt scribit Auicenna, valde congruit, læ-  
titiam inducit, sitim restinguit, colorem faciei  
reparat, debiles renes confirmat, ebrietati ac cra-  
pulæ occurrit, & conualescentibus omnibus val-  
de prodest. Sed de multis id illi est admirabile,  
quod contra auram pestilentem, venena, ac ve-  
nenata, diuinitus opponitur, & præbitor,  
quemadmodum sæpius exploratum vidimus.  
Cæterum, si quis volet ex tempore vinum cydo-  
nites sibi comparare, sed superiore multò infir-  
mius, assata cotonea, depellata, & adhuc calentia  
in vi-

*Vires præ-  
stantissimæ  
hydromeli.*

*Notandû &  
observandû.*



in vinum generosum mittat, & horis aliquot inibi maceret, deinde vinum illud percolet. Vel purgata cydonia & exenterata, in vino albo perstrenuo ac subtili, diem vnum vel alterum infucari, & inebriari sinat, postea igni lento, & vase mundo, ad id accommodo, excoquenda componat, vinumque illud transcolet, ac in usum custodiat. Si reliquias cotoneorum, vt paulò antè ostendimus, condire volet, habebit cydoniatum non ignobile. Cui, post secretionem & sacchari misturam, si vnà etiā Rhabarbari optimi, & subtiliter puluerati, idoneam portionem adiecerit, aut clementer purgans simplex medicamentum aliud addiderit, & miscellanea illa confuderit, tribulauerit, & recoxerit, habebit præstantiss. cydoniatum, & valde accommodum aluo mouendæ, & corpori vacuando, idque multò certius & salubrius, quàm ex eo quod scammoniatum & diagridiatum Lugduno adfertur: quèadmodum in Horto nostro medico haud ita pridem multorum remediorum & secretorum accessione aucto & illustrato, scripsimus. Ad quem, vt reliqua cotoneorum secreta agnoscas, te libenter mitto & inuito. Inuenies illic quod didicisse iuuet.

*Vinum Rosmarinatum.*

Vinum ex Roremarino concinnatum, nouum non est, nec in nostra Europa inuentum: de quo hunc in modum scribit Arnaldus Villanouanus, autoris cuiusdam anonymi verba referens. Cùm essem, inquit, in Babylonia, multis precibus & instanti efflagitatione accepi à quodā vetulo & docto medico Sarracenorum, virtutes Rorismarini,

*Alia formula componendi vini cydoniati.*

*Quomodo fiat cydoniatum laxatiuum.*

*Inuētio vini Rorismarinacei.*

quas Rabi quidam pro summis habebat arcanis nemini publicandis. Inter alias vinum proponebat, cuius compositio non degenerat à formulis aliorum vinorum medicatorum. Eius facultates planè sunt admirandæ in omnibus frigidis ægitudinibus, præsertim capitis & neruorum. Languentem & deiectam appetentiã excitat, cor suo odore dilatat, spiritus omnes recreat, dissipatos recolligit, cerebrum roborat, membra laxa & fluida stabilizat, ac tremulas corporis partes confirmat, tam potu, quàm fotu: dum facies eo eluitur, elegantem ac summè pulchram reddit, expolit & erugat. Si arteriæ brachiorum & temporum eo intingantur, & foueantur, illico vires cerebro & cordi communicant, & proinde auræ contagiosæ ac pestilenti morbo valde occurrunt, partes illas principes aduersus huiusmodi lue armado ac roborando. Vsum insuper habet summum, ac facultates eximias, vt corpus reddat immune ab anthracibus, furunculis, scabie, & malignis pustulis omnibus, excrementitiis superfluitates ac superflua & mucosa excrementa dissipando, & internas corruptiones emendando. Pituitam incidit, melancholiam diluit, sanguinem emaculat, obstructa referat, crassa tenuat, lenta diffecat, & ab omni corruptela corpus vindicat. Quandocunque os vino isto colluitur, suauem & odoriferum conciliat halitum, dentes emundat, gingiuas roborat, & si quod vitium illis inest, ad vnguem curat. Hulcera manantia & humida resiccat, putridisque febribus summè auxiliatur. Si quis à longa infirmitate reualescens, pane tosto, &

huic

*Mire facultates vini ex Rore marino.*

huic vino intincto, necnon saccharato, ieiunus vtatur, collapsam appetētiam suscitabit, ac ven-  
triculo summè commodabit. Phthificos, hec-  
ticos, paralyticos, lethargicos, epilepticos, cardia-  
cos, quartanarios, celiacos, pulmonarios, poda-  
gricos, nauseabundos, & fluxionibus obnoxios  
quosuis, tam potu, quàm fotu, mirum in modum  
adiuuat. Quod etiā præstare fertur vinum mace-  
rationis & decoctionis florum eiusdem. Sed ex  
omnibus facultatibus, quas præstātissimas habet  
vinū istud, ea est, quòd theriaces vicarium vbique  
habetur, cōtra venenatos cibos & potiones, nec-  
non venenata omnia, aut veneni naturam habē-  
tia. Quod postremum erit, mirandum in modum  
auxiliatur mulieribus, quæ mensium suppressio-  
ne & vteri affectibus laborant: facitque plurimū  
ad conceptus, etiam si longo tempore desperati  
sint. Hæc partim ex Villanouano, partim ex mul-  
torum experimentis & libris, bona fide hîc tibi  
communicare & impertire volumus.

*Renalesce-  
tes ex longa  
infirmirate.*

*Vinum Ros-  
marinatum  
theriaces vi-  
carium.*

*Vinum obstructions aperiens, & melan-  
cholicos emendans.*

Fit ex foliis & radicibus cichorii, scolopen-  
dræ, endiuix, & aliquot summitatibus absin-  
thij. Quæ post longam macerationem in vino,  
& sufficientem decoctionem percolantur, & vi-  
num aliud superfunditur, recoquitur, ac postre-  
mò per colatorium exceptum, priori miscetur,  
& in vase idoneo reseruatur. Si insignem ama-  
rorem, aut gustum aliquem ingratum præ se tu-  
lerit emendabitur, quo dictum est modo in fru-  
ctibus medicatis. Valet tale vinum ad tollendas

*Vinum ad  
omnes ob-  
structiones.*

*Vinum pro  
melancholi-  
cis.*

obstructiones hepatis, lienis, & viscerum, amo-  
liendosque affectus hinc natos: quales sunt icte-  
rus, nubilium pallidi colores, & similes. Si vn-  
cia vna, vel drachmæ decem epithymi & polypo-  
dij quercini, modicè contusorum, macerentur in  
felibra generosi vini albi, & leniter ferueant, de-  
inde percolentur & hauriantur, melancholicis o-  
pem miram adferent, si potio per aliquot dierum  
interualla repetatur. Compositio copiosa fieri  
poterit, & ad vsum reservari.

*Vinum Euphragiatum ad oculos.*

*Impedimen-  
torum visus  
ablatio.*

Mittitur Eupragia in mustum, & quibus di-  
ctum fuit modis conficitur vinum, cuius vfu o-  
culi senum iuueniles fiunt. Nam impedimenta  
quibus visio deprauatur, aut imbecillior euadit,  
ab omni homine cuiuscunque fuerit ætatis, ha-  
bitus & temperamenti aufert. Noui quædam, in-  
quit Arnaldus, multo tempore nihil videntem,  
& hinc vitam miserè trahentem, qui intra annum  
præsidio huius vini, visionem sibi reparauit. Nam  
eo priuilegio dotata est planta vnde conficitur, vt  
vitiatis oculis præsentissimo sit remedio: adeò  
quòd si puluis eius cum vitello oui exhauriatur,  
rem miram in restauranda visione præstabit. Idẽ  
fiet si cum vino albo propinetur, cui præmacera-  
ta vel præbullita sint aliquot fœniculi grana. Cu-  
ius rei testes sunt multi adhuc superstites (inquit  
Arnaldus) & fide digni, qui facto experimento,  
literas etiam minusculas & subtiles legerunt, cum  
antea, absque perspicillis & ocularibus, ne ma-  
iusculas quidem videre possent. Si id vini aqua  
fœniculi temperaueris, eius vires summè augebis.

Vinum

*Vinum Enulatum.*

Vinum in quo per triduū macerata fuerit Enula  
cāpana, seu Heleniū, mirabili effectu visum illu- *Enula cam-*  
strabit, & pesti pugnabit, menses ac vrinas moue- *pana reddit*  
bit: inflationibus, torminib<sup>9</sup>, serpentiū morfib<sup>9</sup>, *præcordia*  
& tussi ac pectoris vitiis etiānum auxiliabitur. *jana.*

*Vinum Saluiatum.*

Quocunque fiat modo vinum è Saluia, siue per  
decoctionem plantæ in vino, siue per suspensio-  
nem eiusdem in sacculo, mirabilis est vsus & fa-  
cultatis aduersus gingiuarum vitia & relaxatio-  
nes, dentium vacillantium dolores, neruorum &  
neruosarum partium affectus, paralyfim, contra-  
ctionem, conuulsionem, tremorem, & similes. *Saluia in*  
Nam neruos valde roborat, recreat, ac sustinet, *neruorū af-*  
tam potu, quàm calente fotu, post longam & *fectibus præ-*  
blandam frictionem. Nec quidquam est, vt tra- *stantissima.*  
dit Arnaldus, eo præsidio certius ac melius. Pro-  
dest etiam aduersus epilepsiam, quæ vitio stoma-  
chi, vel vteri, per partium sympathiam & con-  
sensum excitatur. Reliqua tibi conferenda erunt,  
cum his quæ de facultatibus Saluiæ scripsimus in  
nostro Horto medico: nam medicata vina, eorū  
vires referunt, quibus remiscuntur, vt ex Diosco-  
ride antea adnotauimus.

*Vinum Hyssopites.*

Hoc vinum cum glycyrrhiza dulcoratum, vel  
saccharo, propriè & peculiariter vinū senum di- *Vinum senis*  
ci solet. Nam vim habet digerendi, incidendi, te- *& pituito-*  
nuandi, tergend<sup>i</sup>, aperiendi, attrahendi, & vrinas *forum.*  
mouendi. Magno est auxilio in humida tussi, &  
epilepsia, maximè puerili. Humiditates ventricu-

li & vteri deficcat, potu & fotu. Pulmonis brō-  
chias ab infarctū & obſtructione liberat: vias  
omnes vocales à pituita expedit, hydropicos iu-  
uat, & humiditate laxatas partes, fomentis cali-  
dis deficcat, reficit ac roborat.

*Vinum Fœniculatum.*

*Malta vti-  
litates ex  
vino fœni-  
culato.*

Conficitur hoc vinum ex ſemine fœniculi, va-  
lētque plurimū aduerſus oculorum caliginem,  
ventris flatus & tormina, hydropem, & cache-  
xiam, ſeu malum corporis habitum, in pueris ma-  
ximè. quod ſe expertum tradit Arnaldus. Præ-  
terea venenis ac cibis malarum qualitatum oc-  
currit, & contra tuſſes, pulmonisq; vitia ſum-  
mè opitulatur. Lac & genitale ſemen multipli-  
cat, nauſeam tollit, laterum dolores ſedat, coli-  
cos cruciatus demulcet, ventos internos diſſipat,  
coctionem iuuat, obſtructa aperit, & ſplenis, he-  
patis ac ventriculi labores finit. Si ex radicibus  
componatur id vinum, nephriticis & renum cal-  
culo vexatis medebitur, vrinas proliciet, veſicæ  
commodabit, ac menſtrua ſoluet.

*Vinum Eryngatum.*

*Vinum con-  
ceptus ad-  
iuuans.*

Fit, vt cætera vina, tam radice quàm tota plāta.  
Strāguriā & vrinæ ſtillicidium ſtatim ſoluit ad-  
dito ſaccharo, & ad generationē mulieres ceſſan-  
tes excitat, imò etiam viros, ſemen augendo. Mē-  
ſes ac vrinas pellit, & tormina inflationēſque di-  
ſcutit. Prodeſt etiam contra iecinoris vitia, vene-  
na, peſtem, & alia à multis experta.

*Vinum Anifatum.*

Obſtructiones internas liberat, flatus diſcutit,  
ructus acidos componit, coctionem reparat, &  
coli

coli excarnificationes emendat. Sed omnium maximè mulieribus prodest, quibus lac multiplicat, si comite optimo saccharo affatim diebus aliquot hauriatur: nam sic efficacissimum esse censetur. Renum dolores & vitia ex flatibus amolitur, ac arenulas ab iisdem clementer excludit: maximè si quis præsumpserit dianisum & diatrachanthem. Nam statim cruciatibus sedatis, à congestis arenulis emundantur renes, & vnà cum vrinis eluuntur.

*Remedium optimū aduersus renis arenulas.*

*Vinum Rhodites, seu è Rosis.*

Æstium dici potest vinum hoc, quòd per æstatem & calores corporibus summè conueniat. Fit ex rosis rubris exunguatis, desiccatis, & musto, vt dictum est, impositis ac tractatis. Idem multò citius, sed imbecillius, concinnabitur, si in vini amphoram tantum rosaceæ aquæ immittatur, quantum cuiusque gustus, & odoratus ferre poterit. Internos æstus refrigerat, cor & viscera roborat, facultates corporis vanescentes sustinet, mēbro- rum laxitatē firmat, dissoluta refarcit, dissipata recolligit, diffuētes sudores, continet, putredini resistit, & pestilenti auræ ac feбри, præstantissimum est remedium. Biliosis & calidis naturis admodū est salubre, efficaciterque prodest contra lyenteriam, dysenteriam, retētricem imbecillam, vomitum, nauseam & syncopem, maximè si aqua pluuiali & chalybeata temperetur. Si eo frequenter os colluatur, præter quàm quòd dentes imbelles firmabit, & fluidas gingiuas roborabit, etiam halitus summam gratiam præstabit. Si facies eo lau-  
uetur cum succo limoniorum, indicibile decus, &

*Vinum æstium.*

*Miræ facultates vini rosacei.*

*Faciei decus & venustas.*

admirandam venustatem illi comparabit. Si guttula vna oculis instilletur, illorum aciem emendabit. Nam ratione vini detergebit ac munda-  
bit, & rosarum causa, oculorum substantiam roborabit, recolliget, ac firmabit.

*Vinum Halicacabi, seu Alkekengi.*

Hoc vinum fit ex Halicacabi acinis seu cerasiis, quando sub vindemiâ in suis vesiculis flauescunt, & hinc maturitatem præ se ferunt. Compositio cadit in aliquem modorum initio descriptorum. Si ad extemporaneam concinnationem vrgeret necessitas, hac incedes via. Aliquot ex dictis cerasiis in generosissimo vino albo conterentur, macerabuntur, vna & altera ebullitione feruebunt, percolabuntur, & addito saccharo, vel tantillo cinnamomi, si opus erit, vinum haurietur. Valet contra dysuriam, vrinæ inuitam retentionem, ac difficilem eius expulsionem. Nam statim illam elicit, & quantumcunque suppressa fuerit, abundè fluere cogit: vnà è renibus arenulas adeò copiosas, & attritos calculos secum educens, vt manu excipi & facilè discerni possint. Hinc fit, vt assuetus, & domesticus illius vsus, nephriticos & calculosos multos à sæuissimis cruciatibus, ceu à quopiâ immani tortore, quasi diuinitus, me monitore & consultore, eripuerit. Sed vsus illius imperabam, circa nouilunia & paulò post, repurgato priùs corpore cum recenti cassia Rhabarbata. Si inueteratus erit affectus, vt in senibus, longiore mora & vsu opus erit. Sed eam in rem mihi succurrit historia, ab Arnaldo Villanouano ad hunc descripta modum. Fuit tempore meo,

Cardina-

Extēpora-  
nea compo-  
suto vini  
Halicaca-  
bati.

Aduersus  
vrinæ vitia.

Remedium  
prestantissi-  
mum pro  
nephriticis.

Pulcherri-  
ma historia.



Cardinalis quispiam, cui per totum quatrimum adeò urinam supprimebatur, ut iam totus venter inferior, utris modo, miserè turgeret: ex quo nihil promouentibus remediis, pro deplorato & conclamato habebatur, nisi quidam medicus Empiricus, velut ad machinas deus, opportunè illi adfuisset, & magno ac fœlici successu, vinum haliacacabi propinasset: nam hinc usque adeò solutus fuit ei vesicæ sphincter, & ostiolum, ut concham unam, inquit Arnaldus, iugiter effuso & reddito *Empiricorum fortune im-* lotio, impleuerit. Quo solo experimento medicus ille, alioquin ignobilis & parum eruditus, *prouisse.* magnus ac diues euasit.

*Vinum Caryophyllatum.*

Caryophylli sacculo aut linteo raro inclusi, merguntur intra mustum: vel, quod satius est, suspenduntur. Vinum valebit contra asthma antiquum, & putrem senum tussim, syncopem & epilepsiam. Coctione iuuabit, frigidum stomachum recreabit, & halitus suauitatem conciliabit. Verumenimvero quia corpus summè calfacit, consultissimum fuerit, ei vel saccharum vel glycyrrhizam addere, aut aquam rosaceam.

*Vinum Gramineum.*

Componitur ex radicibus graminis seu centi-nodiae, vel polygoni probè mundatis & elotis. Lumbricos occidit, renes ab arenulis vindicat, vesicam lotio grauidam & impeditam exonerat, obstructions hepatis aperit, necnō mesaraicarum, quæ ex cruditatibus fiunt. Dolores arthriticos placat, vacuata eorum materia pituitosa per urinas. Nam radix graminea etiam inter diuretica

*Senibus vni-*  
*num accom-*  
*modum.*

*Ad urinae*  
*impedimen-*  
*ta & labor-*  
*es.*

*Vinū opti-  
mū & val-  
de probatū.*

recensetur. Si vinum id concinnare voles ex Polygono mare, seu centinodia, quam officinæ corrigiolam vocant, & linguam passeris, habebis præstantissimum auxilium, mihi sæpenumerò in quamplurimis fœlicissimè expertum ad vitia omnia renum & vesicæ: maximè contra arenulas, calculum, nephritim, dysuriam, & colicos ex his cruciatus.

*Vinum Ebulatum, seu ex Ebulo vel Chamaeacte.*

*Compositio  
ebulati vi-  
ni.*

Vinum hoc solutivum est alui, & fit ex acinis ebuli maturis. Qui vindemiæ tempore parum calcati, in musto feruent, despumantur, per colatorium vimineum transmittuntur, & vinum defæcatum vsui custoditur. Aliter, cum musto, lento igni feruent, donec pars tertia absumpta fuerit: deinde spuma exclusa, nocte vna sub dio quiescunt: postridie, vt prius, percolantur. Sunt qui pro acinis radices vsurpent, & quo dictum est modo, componant. Pituitam & bilem trahit, hydropi medetur, vulvarum claustra aperit, vlceribus tam internis quàm externis prodest, ac omnium maximè ischiadicis, podagricis, & lue Venerica infectis. Nam vi sua deiectoria, dolores eorum mirificè demulcet, vacuata & reuulsa materia, quæ ad fluxum parata erat, & iam iam fortassis viam sibi fecerat. Sed stomacho nonnihil incommodat, ob id odoratis in vinum missis recreandus, ac roborandus erit.

*Vinum ad-  
uersus luem  
veneream.*

*Vinum, fœtum in gravidis continens, & steriles  
ad concipiendum præparans.*

Vinum flatus è corpore deturbans, & gravidas ne abortiant summè adiuuans, fœtūque, donec  
legiti-

legitimum adfuerit pariendi tempus, illæsum ac vegetum custodiens, hâc habet compositionem. Accipe seminũ apij, mēthæ siccæ & ammeos, singulorum drachmas tres : masticis, caryophyllorum, cardamomi, rosarum rubrarum, singulorum drachmam vnā : cinnamomi, corticum radicū capparum, castorei, zedoariæ, ireos Illyricæ, singulorum scrupulos duos, sacchari albißimi & optimi libras duas. Fiat ex his omnibus vinum, quo solet modo componi aromatites, vulgò Hippocraticum nuncupatum. Vñus erit manè & serò, parua quantitate. Roborat vteri ligamenta, vterũque ipsum exhilarat, & virtutem eius retentricem ad perferendum onus gestationis summè iuuat. Præterea, steriles, ob flatulentiam vteri dispositionem, vel eius frigiditatem, humiditatem, aut lubricam naturam, quæ genitale semen sibi concreditum diffluere sinit, emendatis & reparatis huiusmodi vitiis, ad concipiendum, retinendum & generandum habiles reddit. Hactenus, maxima ex parte, Arnaldus Villanouanus, medicus & philosophus excellentissimus, quem pro nostra tenuitate, paulò tersiùs loqui fecimus quàm ferebant tempora, in quibus prauè, sic satis, scribebat, sed rectè & peritè medicinam faciebat, sat supérque persuasus, remediis, non verbis, morbos curari. Alia medicata vina ex quibuscunque plantis & rebus medicamentosis ac salubribus, iuxta præcedentes formulas componi poterunt, quorum facultates, miscellaneorum illis immisforum facultatibus, conformes erunt.

*Compositio  
præstantissimæ  
vini.*

*Sterilitatis  
causæ, Et eorũ  
remedia  
medicamentis.*

ANTONII MIZALDI  
VINVM GVAIACI, ET EIVS  
LEGITIMA COMPOSITIO, AC  
VERA EXHIBITIO: CVM EXACTA  
methodo curandæ luis veneræ, seu scabiei  
Hispanicæ, aut morbi Neapolitani, ex Petro  
Andrea Matthiolo Senensi.

*Error Et im-  
postura quo-  
rundam.*

**C**AVENDVM est à quibusdam impostori-  
bus, qui cùm sint earum ignari rerum quæ  
ad medicæ facultatis contemplationem spectant,  
dum lignum Guaiaci, vel eius cortices ex vino  
decoquunt, cyclaminum, bryoniam, pityusam,  
colocynthidem, & turperum admiscent, atque  
alios mille cacodæmones, qui eos de medio tol-  
lant. Quippe nulla habita temperamenti, ægri-  
tudinis, temporum anni, sexus, nec ætatis ratio-  
ne, singulis diebus huiusce decocti tepidi cya-  
thum omnibus indifferenter potandum exhibent.  
Quo fit, ut si forte quadam vnum quandoque  
perferant, decem postea iugulent, tanquam im-  
probi carnifices. Verùm, ut quisque horum ma-  
nus euitare, atque effugere possit, operæpretium  
visum est, vini Guaiaci conficiendi rationem sub-  
iungere, ac subinde hauriendi modum addere.  
Sumito igitur ligni Guaiaci præstantissimi, limâ  
in scobem tenuissimam attriti, aut tornatili in-  
strumento minutim concisi, libras quatuor, cor-  
ticum eiusdem libras duas: cardui benedicti li-  
bram vnâ & semis: adianti, aspleni, florum  
vtriusque buglossi, cuiusque libram: cassiæ odo-  
ratæ drachmas sex: seminis anisi sesq' vnciam, sac-  
chari libras quinque. Deinde coniiciantur omnia  
in ca-

*Compositio  
vera & le-  
gitima vini  
Guaiaci.*

in cadum vinarium mundum aptæ capacitatis, desuper affusis vini albi quamoptimi & feruentis, libris centum & quinquaginta, mox diligenter vas operculetur, omniâque sic macerari triduo dimittantur. Post triduum verò linteo percolentur, asserueturque huiusce macerationis vinum, in alio vase ad ægotantium potum. Si quidem bibitur hoc tam in prandio quàm in cœna, secundi Guaiaci decocti loco: non manè, neque vesperi, serapij vice, quemadmodum temerè multi facere consueuerunt. Hoc idem vinum longè etiam melius, & maiore quantitate vinemiarum tempore confici potest, admixtis ligno, cortice, cæterisque aliis, recentibus vuis albis in mustum compressis, ibique tandiu dimissis, quousque mustum efferuescere desinat, & pellucidum, clarumque reddatur: veruntamen multiplicanda sunt omnia, quæ conueniunt medicamenta, pro vuarum ratione.

*Alia vini  
Guaiaci cõ-  
positio vin-  
demie tem-  
pore.*

Præter huius vini potum cibus associandum, bis in die, manè scilicet & vesperi, tribus aut quatuor horis antea quàm sumatur cibus, ægotantibus exhibeo decocti ligni ex aqua, secundum communem medicorum usum senas vncias, admixtis vnciis duabus liquoris, hoc modo parandi. Sumito primum adianti, lupi salictarij, fumarie, aspleni, senæ, singulorum manipulos tres: radicem centaurij magni, glycyrrhizæ, filiculæ, vtriusque buglossi, singulorum vncias quatuor: seminis anisi, melanthij, florum satiui & erratici buglossi, omnium santalorum, cassiæ, quam cinnamomum vocant, singulorum drachmas quin-

*Compositio  
liquoris præ-  
stantissimi.*

*Sene præ-  
paratio o-  
ptima.*

que. Hæc ex aquæ libris viginti quatuor, deco-  
quantur ad tertias, demum colentur. Sumito de-  
inde præstantissimæ senæ, libras duas: coniicito  
in vas fictile oris angusti, demum percolatum de-  
coctum feruens superimponito, ac inde obtura-  
to fictilis ore puluinari anserinis plumis facto,  
ignique prius calefacto, fictile inuoluito, & loco  
calido collocato, ac ita per diem & noctem repo-  
nito. Postridie verò manibus sena premitur, mox  
dilutum percolatur: cui adiiciuntur diluti rosa-  
rum efficaciter aluum subducentis libræ sex, sac-  
chari libræ octo: efferuescunt deinde simul sub-  
iecto igne quousque tertia pars vanescat. Quo  
facto additur electissimi Rhabarbari minutim  
concisi vncia, ac ita iterum feruent omnia, donec  
Zulapij modo consistat liquor. Postremò perco-  
latur linteolo, & vase vitreo reconditur. At si æ-  
grotantes multa pituita redundant, decocto præ-  
scripto, optimi turpeti vncia vtiliter addi potest.

*Victus ratio  
pro diata-  
ris venereo  
morbo cor-  
ruptis.*

Supereſt victus ratio, quæ ægro talis præſcri-  
benda eſt, ſcilicet vt tam in prandio quàm in cœ-  
na edat panis ternas tantùm vncias, ſitque is ſi-  
milaceus, ac probè in clibano coctus: adhæc tan-  
tundem carnis pullorum gallinaceorum, perdi-  
cum, attagenarum, turdorum ac auicularum, in  
ſyluis, vineis ac montibus victitantium, aſſatæ  
potius quàm elixæ: quin & vux paſſæ modicum.  
Bibat autem oportet præſcripti vini æquam cum  
cibo menſuram. Quòd ſi quis purum id bibere  
non poſſet, diluatur aqua quæ in phialis vitreis  
addita Guaiaci vnciola, breui temporis ſpatio  
efferbuerit.

Tempus

Tempus huic curationi aptissimū est Ver, Mar- *Quo tēpore*  
 tio, Aprili & Maio mensibus. Quòd si hoc tem- *instituenda*  
 pore fieri non possit, fiat mēse Septembri in Au- *dieta & cu-*  
 tumno. Nam sicut æstiuus ardoribus, & exurente *ratio.*  
 iam Sirio, non modò diuturna pharmaca, sed ne  
 quidem breuia tolerant homines: ita nec bruma-  
 li tempore, dum ingenti frigore sæuit hyems. In-  
 terea ægris sine metu noxæ indulgere licet, modò  
 cæli serenitas adsit, vt quādoque in proximis hor-  
 ris, ac viridariis solatij causa, lento gradu deambu-  
 lent. Quippe quoniam huiusmodi hortorum  
 amœnitate, animus plurimū leuari solet.

In hac etiam curandi ratione, quosdam magis,  
 alios minùs perseuerare oportet, pro morbi ne-  
 cessitate, & salutis mensura. Hac ergo ratione vi- *Quib⁹ pro-*  
 num Guaiaci exhibitum, non modò medetur cui- *sumi qua-*  
 que acerrimo Hispanæ luis & Neapolitani mor- *iaci exhibi-*  
 bi incommodo, sed etiam diuturnis articulorum, *tio.*  
 capitis, neruorum, ventriculi, iecinoris, lienis-  
 que morbis pituita genitis, mirificè succurrit. Nec  
 minùs etiam podagra laborantibus opem fert,  
 modò diuturna admodum non fuerit ægritudo.  
 Porro in hoc etiam illud obseruandum est, quòd  
 ego Guaiaci vinum iis tantum potandum exhi-  
 beo, quibus tantum pituita redundet, vel saltem  
 non exuperet bilis. Si quidem biliosis secundum  
 ac tertium ligni ex aqua decoctum, vini loco sem-  
 per cum cibis præbendum censui, vt communi-  
 ter ab aliis fieri solet. Hactenus Andreas Matthio-  
 lus Senensis, medicus doctiss. & diligentiss. suis  
 in Dioscoridem Commentarijs.

ANTONII MIZALDI  
PARALIPOMENA QVÆDAM  
vinorum medicatorum, & hinc variis  
morbis variè medicatium.

*Vinum ad præcautionem generationis calculi.*

**A**CCIPENDÆ sunt radices & folia pentaphylli; radices graminis, fœniculi, & petroselini, singulorum ad manipulum vnum: quæ ubi in vmbra reficcata erunt, per tempora vindemiæ collocabuntur in mundo vase & doliolo, superinfuso musto albo, eoque generosissimo, quantum satis erit ad proportionem immissorum miscellaneorū. Peracta vini ebullitione & feruore, diebus aliquot pòst, transfusabitur, vt ita dicam, hoc est, in aliud vas reponetur vinū illud, neglectis materiis, quæ ibi deferuendo macerata fuerunt & proprias qualitates reliquerunt, tum demum diligenter & accuratè custodietur in vsum eorum qui calculo obnoxij erunt: ita vt, ad præcautionem tantum octauo quoque die, vel his in hebdomada hauriāt uncias treis, vel quatuor, sub diluculum: non neglecta ratione corporum ætatum, partium anni, &c.

*Vinum ad maculas, sordes & defædationes faciei.*  
Tere radicem serpentariæ, & in vino albo coque vsque ad tertiæ partis decocti consumptionem: postea cola, & ex eo vino faciem ablue toties, donec emaculata appareat. Quod paucis diebus fiet, si manè & vesperi id quotidie persequi velis.

*Vinum contra ventositates, raucitatem,  
tussim & asthma.*

Vinum



Vinum istud facilè tibi comparabis, si vinde-  
miæ tempore cum musto ebulliant, & vires suas  
transmittant, & vt ita dicam concorporent ani-  
sum, fœniculum & glycyrrhiza. quæ postrema  
in duplo aliorum esse debet. Idem vinum fieri  
etiam potest, vrgente necessitate (quæ moræ im-  
patiens esse solet) ex decoctione rerum prædi-  
ctarum in vino domestico, vel aliunde, quouis  
tempore, comparato, modo generosum id fuerit.

*Vinum aqueum, ad deludendos in-  
firmos sitibundos.*

Habe ampullam, aquæ optimæ plenam : cuius  
orificium pollice superposito tantisper clau-  
de, donec in vas rubro vino & odorifero plenum  
illa descenderit : vbi eius fundum attigisse noue-  
ris, digitum tolle, & ibi ampullam, diu satis, re-  
linque. Cùm hinc extrahenda erit, eo modo quo  
prius, iniecto ad eius osculum pollice, pruden-  
ter extrahe. Videbis paulò post in ea colorem vi-  
ni cum exiguo illius sapore : à quo inscius ægro-  
tans, summo suo commodo decipietur : dabi-  
túrque ei, ad hunc modum, beneficium per im-  
posturam.

*Vinum faciem purpurissans & egregio colore illu-  
strans, pro mulierum ornatu & mangonio.*

In vino rubro tantisper bulliant brasiliæ ramen-  
ta & alumen, saccharinum vocatum, donec è  
sex partibus decoctio ad vnam redeat, vel pauxil-  
lo plus, vbi opus erit, cum bombace, vel gossy-  
pio, seu cotone, vt cum vulgo loquar, facies blā-  
dè & liniatur, & clementer tractetur, votis ride-  
bit amantum.

*Aliud vinum faciem erugans & expoliens,  
necnon manus dealbans.*

Id præstabit vinum in quo tandiu agitaturn fuerit albumen oui, donec liquidum & fluxile appareat. Sed expedit secundo quoque die renouari. Huius ablutio, cutem deterget, pellem molliculam ac subtilem reddit, sanguinẽ ad superficiem educit, corrugationes complanat, & fordeis omneis exterminat.

*Vinum reparans visum, & illum conseruans,  
multiq̃ue alia salubriter præstans.*

Compara tibi foliorũ & radicũ betonicæ, caryophyllatæ, euphragiæ, chelidoniæ, rutæ domesticæ & verbenæ, singulorũ manipulũ vnum: seminũ anisi & fœniculi, singulorum vncias duas: contunde parumper, & vnà probè colliga: tum demum proiice in doliolum musti generosi, quando ebullire satagit, ibique stare permittè donec remissus fuerit totius ebullitionis feruor, ac dies aliquot ampliùs. Post hæc, transfunde vinum id in aliud vas mundum, & ex proba materia concinnatum, tuũque in vsum & amicorum accuratè custodi. Cũ eo vti voles, tertio quoque die id facito, ieiuno stomacho treis vel quatuor vncias hauriendo: plũs minũs, pro cuiusque ætate, corporis modulo, temperamento, partis anni natura, & aliis, in talibus obseruare solitis, de consilio docti, periti & cordati medici: quem tibi consulendum & audiendum suadeo & moneo: ne quid tua deliret amissis.

## COMPOSITIO PRÆSTANTISSI-

MI VINI ET DILUTI SENÆ:

secundum Ioan. Mesuem, &amp;

Andr. Matthiolum.

VINO musteo albo, inquit Mesues, miscebat quidam vim magnam Senæ, post tres menses potandum dabat, sicque purgabat cerebrū, & sensoria instrumenta, gaudiumque augebat. Sunt qui decocto Senæ cum prunis & spica, foeliciter purgent: sed modicam coctionē sustinet. Infunditur ab aureis tribus ad vnciā vnam. Clementer deturbat melancholiā & bilem vltam à cerebro, sensuum organis, pulmone, corde, hepate & liene. Proindeque morbis dictarū partiū, ab humore huiusmodi proficiscentibus succurrit, vt melancholicis febribus & antiquis: gaudium gignit, ablato humore sine causa externa tristate. Floridum corpus efficit, & viscerū obstructions aperit. Venio ad eximiam illam & exactam præparationem diluti Senetici, aut, si mauis è Sena, quam Andreas Matthiolum medicus doctiss. hunc in modum præscribit. sumuntur foliorū electissime Senæ drachmæ sex: zinziberis, aut cinnamomi contriti, drachma vna: florum buglossi drachmæ duæ: miscenturque omnia, & fictili vitreato, aut stanneo vase angustī orificij excipiuntur, affusisque feruentis aquæ, vel feri caprini vnciis decem, vasis osculum adeo occluditur, vt nullus omnino spiradi pateat exitus. His peractis, puluinari plumis anserinis farcto, ignique calefacto vas inuoluitur, reponiturque in arca, vbi pernoctare finitur. Sic

*Senæ facultates præstantissimæ.*

*Compositio diluti Senetici præstantissima.*

*Vires diluti* enim conseruato calore, dilutū omnem facultatē  
*Senetici.* in se recipit. Eductet non solū bilem vtramque,  
 vt ex Mesue diximus, sed etiam pituitam, vt tradit  
 Actuarius, & experientia probat, adhæc aquas &  
 serosa excrementa. Mundat cerebrum, cor, iecur,  
 lienem, pulmonem, & omnes corporis sensus,  
 confertque omnibus eorum incommodis: au-  
 get iuuentutem, senium tardat, & animi hilari-  
 tatem inducit. Cor roborat, maximè si commi-  
 sceatur medicamentis, quæ illi sunt amica, vt  
*Mirafacul-* violis, rosis, floribus vtriufque buglossi, & simi-  
*tales Senæ.* libus. Præterea delirio, vt tradit Serapio, miri-  
 ficè prodest, necnon amentia, resolutioni ner-  
 uorum, phthiriasi, cephalalgia, scabiei, pustulis,  
 pruritu & epilepsia. In vniuersum medicina est  
 optima morbis omnibus diuturnis & melancho-  
 licis. Decoctum foliorum eius & chamæmeli,  
 cerebrum & nervos lotionem roborat, aciemque  
 oculorum, & auditoriam facultatem plurimū  
 emendat. Sed prætereundum non est, quod in  
*Morbus Hi-* morbo Hispanico, ex Manardi sententia, maxi-  
*spanicus.* moperè pollet, putres materias ac pituitam, con-  
 tra Auerrhois opinionem, vacuando & expur-  
 gando. Verū in facultatibus Senæ hîc versatum  
 satis: quas qui fusissimè nosse volet, legat opu-  
 sculum nostrum de Sena, planta hominibus in-  
 ter alias omnes beneficentissima & saluberrima.  
 Illic inueniet quod didicisse iuuet.

*Observationes & Annotationes quædam in præ-  
 cedentes Vinorum medicamentorum &  
 medicantium compositiones.*

VINA quæ in vsum medicum seligere & cōcin-  
 nare

nare voles, alba, vel pallida, aut iis media, è generosa vite & benè maturis vuīs, non vitiatis, nec putribus esse conuenit: in quibus certis ex arte proportionibus, vt medica ars exigit, materiæ suis viribus exspoliandæ immergentur, mundo vase, & ex legitimo ligno cōformato: nisi maioris priscorum more, in vitreatis testaceis, & probè coctis figlinis, id exequi. Quo loco, naturali vini ebullitione à natura perficietur, quod arte est quæsitum, atque ita natura & ars se mutuò iuuabunt, mutuâsque operas inuicem præbebunt. Res enim in musto positæ, dum per naturalem eius ebullitionem in vase inuicem colluctantur, à vincente & fortiore musti virtute, suis exuuntur facultatibus ipsiq; musto, ceu hospiti, libèter committunt, & vnà corpus vnum efficiunt, eoq; modo, vt ita dicam, concorporantur & tràssubstantiâtur, vt cum theologis loquar, vini calore id moliente. Quod quidem vinum, quo generosius & suauius fuerit, eò penetrabilius erit, & per singula corporis membra subtiliori actione ac velociori suas vires diffundet. Ex quo refocillata corporis natura, fortius & alacrius resistet his affectibus quæ illam premunt, grauant & lædunt. Adde, quòd dum medicæ materiæ in musto feruent & ebulliunt, id habent commodi, quòd earum virtus nequaquam in auras resoluitur & vanescit, nec adurit, debilitatur, aut fumum olet, vt fieri solet cum à materiali igne res ea à popularibus pharmacopœis perficitur. Suscipit itaq; & imbibit vinū qualitates rerum quibuscū miscetur, estque illarum gratus ac iucundus, ci-

tusque delator ad minimas & occultas corporis  
partes, à quibus ob naturæ familiaritatē & dele-  
ctationē, sanequàm libenter excipitur, & obuiis,  
quod dicunt, manibus plausibiliter, amplectitur,  
absque vlllo metu & horrore, vt fieri videmus in  
purgantibus medicamentis, ob tetrum illorum  
odorem, ingratum colorem, & abominandum  
saporē, qui longè absunt à medicatis hisce vinis,  
aut si adsunt, odor præsertim & sapor, facilè &  
derepente occultari, ac emendari possunt, saccha-  
ro, melle, glycyrrhiza, vis passis, pulueribus  
odoratis, vel similibus stomacho non ingratiss,  
nec insuauibus. Sed in his omnibus omittendum  
non est, quòd vinorum istorum penetratione,  
celerique distributione per occultos corporis  
meatus, vnà, eademq; via corpus expurgatur, &  
viscera ab infarctu & obstructionibus, vinò viam  
vi faciente illico liberantur, expediuntur & robo-  
rantur: magno corporum commodo, & incōpa-  
rabili iuuandi compendio. Nam reſeratis obſtru-  
ctionibus libera datur excurrendi via spiritibus,  
natiuo calore comitatis, in quo omnium vita ia-  
cet. Quandoquidē natiuus calor pressus & cōcul-  
catus, adeo debilis euadit, vt solita obire munia  
vix possit, & concoquendo, purum ab impuro  
secernere: vnde cruditates, putredines, & ex iis  
morbi: Sed hæc quia huius non sunt instituti &  
scopi nostri, idcirco verbū non ampliùs addam.

*Finis Vinorum variè medicatorum, & ob id affectibus  
corporis humani variis blandè medicantium,  
Autore ANTONIO MIZALDO  
Monluciensi, medico.*





